



Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Nezavisni odbor

Broj: 01-04- 476- *476-0* /23

Sarajevo, 31.10.2023. godine

SKUPŠTINA KANTONA SARAJEVO

OVDJE

PREDMET: Izvještaj o radu Nezavisnog odbora za period januar-juni 2023. godine - dostavlja se;

Nezavisni odbor na sjednici održanoj dana 31.10.2023. godine razmatrao je Izvještaj o radu Nezavisnog odbora za period januar-juni 2023. godine, a u skladu s članom 34. stav 4. Zakona o unutrašnjim poslovima Kantona Sarajevo ("Službene novine Kantona Sarajevo" broj: 1/16, 26/19, 31/19 i 39/20), te isti dostavlja Skupštini Kantona Sarajevo, na razmatranje.

PREDSJEDAVAJUĆI NEZAVISNOG ODBORA

Adis Šečić





Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Na osnovu člana 34. st.4. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16, 26/19, 31/19 i 39/20) i člana 120. Poslovnika Skupštine Kantona Sarajevo („Službene novine Kantona Sarajevo“ br. 41 /12- Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22), Skupština Kantona Sarajevo na sjednici održanoj dana _____, 2023. godine, donijela je sljedeći

ZAKLJUČAK

Usvaja se Izvještaj o radu Nezavisnog odbora za period januar-juni 2023. godine.

Broj: 01-04- _____ /23
Sarajevo, __. __. 2023. godine

**PREDSJEDAVALAČI
SKUPŠTINE KANTONA SARAJEVO**

Elvedin Okerić



Bosna i Hercegovina
Federacija Bosne i Hercegovine
**SKUPŠTINA KANTONA
SARAJEVO**



Босна и Херцеговина
Федерација Босне и Херцеговине
**СКУПШТИНА КАНТОНА
САРАЈЕВО**

Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

IZVJEŠTAJ
o radu Nezavisnog odbora za period januar – juni 2023. godine

Sarajevo, oktobar 2023. godine



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

3/36

Na osnovu člana 33. stav (1) tačka h) i člana 34. stav (4) Zakona o unutrašnjim poslovima Kantona Sarajevo („Službene novine Kantona Sarajevo“ broj: 1/16, 26/19 , 31/19 i 39/20) i člana 8. stav 9. Poslovnika o radu Nezavisnog odbora ("Službene novine Kantona Sarajevo", br.: 13/22), Nezavisni odbor na sjednici održanoj dana **31.10.2023. godine**, Skupštini Kantona Sarajevo, podnosi;

I Z V J E Š T A J **o radu Nezavisnog odbora za period januar – juni 2023. godine**

I- Uvod

Nezavisni odbor imenovan je Odlukom o imenovanju Nezavisnog odbora Skupštine Kantona Sarajevo broj: 01-04-5642/22 od 22.02.2022. godine (u daljem tekstu Nezavisni odbor), a isti je u novom sazivu počeo sa radom 02.03.2022. godine.

U izvještajnom periodu Nezavisni odbor obavljao je poslove i zadatke u punom sazivu. U Nezavisni odbor imenovano je sedam članova predstavnika iz reda građana. Mandat članova Nezavisnog odbora traje 4 (četiri) godine.

Nezavisni odbor je u periodu januar - juni 2023. godine obavljao poslove u skladu sa Zakonom o unutrašnjim poslovima Kantona Sarajevo, Zakonom o policijskim službenicima, Poslovníkom o radu Nezavisnog odbora, kao i drugim relevantnim zakonima i podzakonskim aktima.

U nadležnosti Nezavisnog odbora je da:

- (1) raspisuje i provodi Javni konkurs za imenovanje policijskog komesara;
- (2) vrši selekciju i predlaže listu kandidata za izbor policijskog komesara Vladi Kantona koju dostavlja posredstvom ministra;
- (3) prati rad policijskog komesara, nadzire primjenu ovlaštenja policijskog komesara u rukovođenju Upravom policije iz člana 23. Zakona o unutrašnjim poslovima i o tome izvještava Skupštinu Kantona Sarajevo;
- (4) ako procijeni za potrebnim može izvršiti neposredni uvid u akte i predmete Uprave policije u skladu sa članom 47. navedenog Zakona;
- (5) predlaže smjenu policijskog komesara Vladi Kantona u skladu sa Zakonom o unutrašnjim poslovima;
- (6) vodi prvostepeni disciplinski postupak protiv policijskog komesara i izriče disciplinske sankcije;
- (7) prima, razmatra i postupa po podnesenim žalbama na rad policijskog komesara;
- (8) usvaja Poslovnik o radu Nezavisnog odbora;
- (9) sačinjava izvještaje o radu Nezavisnog odbora svakih šest mjeseci i dostavlja ih Skupštini Kantona na razmatranje;
- (10) sačinjava detaljan tromjesečni izvještaj o radu policijskog komesara, koji dostavlja Skupštini Kantona;
- (11) po potrebi razmjenjuje informacije, podatke, dokumente po pojedinim predmetima sa Komisijom za sigurnost Skupštine Kantona Sarajevo;
- (12) obavlja druge poslove propisane Zakonom o unutrašnjim poslovima Kantona Sarajevo, Zakonom o policijskim službenicima Kantona Sarajevo i drugim propisima.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

4/36

II–Normativni dio

Tokom izvještajnog perioda Nezavisni odbor je:

- sačinio detaljan tromjesečni Izvještaj o radu policijskog komesara za period: januar-mart 2023. godine, i uputio ga Skupštini Kantona Sarajevo,
- sačinio detaljan tromjesečni Izvještaj o radu policijskog komesara za period: april-juni 2023. godine, i uputio ga Skupštini Kantona Sarajevo.

S obzirom da je detaljan tromjesečni izvještaj o radu policijskog komesara materijal informativnog karaktera, isti nisu razmatrani na sjednici Skupštine Kantona Sarajevo.

U vršenju zadataka iz svoje nadležnosti, Nezavisni odbor je donosio zaključke, sačinjavao odgovore, informacije, tražio dostavljanje informacija i podataka, sačinjavao i druge akte iz svoje nadležnosti, te redovno obavještavao javnost o svom radu.

III - Tematski dio

Tokom izvještajnog perioda, Nezavisni odbor je održao 8 redovnih sjednica.

JEDANAESTA SJEDNICA (31.01.2023. godine)

Jedanaesta sjednica Nezavisnog odbora, održana je dana 31.01.2023. godine u prostorijama Skupštine Kantona Sarajevo, i sjednici su prisustvovali svi članovi Nezavisnog odbora. Sjednici nije prisustvovao policijski komesar Nusret Selimović. Predložen je dnevni red:

1. Usvajanje Zapisnika sa 10. sjednice Nezavisnog odbora;
2. Informacija MUP KS broj: 02-125/22 od 26.12.2022. godine;
3. Informacija MUP KS broj: 02-128/22 od 29.12.2022. godine;
4. Akt ministra MUP KS broj: 01-76/22 od 26.12.2022. godine (sa priložima);
5. Odluka Vlade KS broj: 02-04-36030-32/22 od 03.11.2022. godine;
6. Izvještaj o radu Policijskog komesara broj: 02-05/23 od 12.01.2023. godine (oktobar-decembar 2022. godine);
7. Informacija o aktivnostima Uprave policije MUP KS za decembar 2022. godine;
8. Informacija o aktivnostima Uprave policije MUP KS za 2022. godinu;
9. Odgovor Policijskog komesara na pitanja članova NO broj: 02-09/23 od 19.01.2023. godine;
10. Razno.

Na osnovu člana 45. st.3 Zakona o unutrašnjim poslovima Kantona Sarajevo („Službene novine Kantona Sarajevo“ br.:1/16, 26/19, 31/19 i 39/20) „U slučaju nemogućnosti prisustvovanja sjednici Nezavisnog odbora, policijski komesar je dužan obavijestiti predsjednika Nezavisnog odbora koji sjednicu može odložiti ili donijeti odluku da će se ista održati bez prisustva policijskog komesara“, te su članovi Nezavisnog odbora odlučili da se sjednica održi.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

5/36

Članovi Nezavisnog odbora su jednoglasno usvojili Dnevni red 11. sjednice Nezavisnog odbora.

AD-1

Zapisnik sa Desete sjednice Nezavisnog odbora je jednoglasno usvojen.

AD-2

O ovoj tački dnevnog reda bi bilo iluzorno raspravljati zbog neprisustva Policijskog komesara, te se odlaže za narednu sjednicu.

AD-3

Informacija MUP KS broj: 02-128/22 od 29.12.2022. godine se prima k znanju.

AD-4 i AD-5

Nezavisni odbor je dobio od ministra MUP-a akt broj: 01-76/22 od 26.12.2022 u kojem Ministarstvo unutrašnjih poslova utvrđuje da nije u posjedu bilo kakvih dokumenata koje ne posjeduje Nezavisni odbor, a odnose se na staž osiguranja policijskog komesara. Uslijedila je diskusija u kojoj su uzeli učešća svi članovi Nezavisnog odbora, te su zauzeta dva stava. Esada Solak je smatrao da se kompletna dokumentacija koja se odnosi na penzioni staž policijskog komesara sa odlukom Vlade Kantona Sarajevo broj: 02-04-36030-32/22 od 03.11.2022. godine treba poslati Kantonalnom tužilaštvu u obliku Informacije, i taj stav je podržala i Hrvat Mineta, dok su ostali članovi bili drugačijeg mišljenja. Predsjedavajući Šečić Adis je svoj stav obrazložio na način da se radi o općepoznatim stvarima, koje su u cjelosti dostupne BH javnosti, a budući da su u više navrata objavljene u svim sredstvima javnog informisanja, na koji način su o navedenome mogli biti opoznati i organi gonjenja, koji ukoliko smatraju da u nepostupanju Vlade KS ima elemenata odgovornosti, u svakom trenutku mogu od Nezavisnog odbora, kao i Vlade KS zatražiti sve podatke koji se odnose na Prijedlog NO za smjenu policijskog komesara Selimović Nusreta, kao i sve druge podatke kojima raspolaže NO. Nakon diskusije, prijedlog člana Solak Esada je stavljen na glasanje, kojim je takav prijedlog dobio 2 glasa ZA, i 5 glasova PROTIV, na koji način je Nezavisni odbor zauzeo stav da se korespondencija sa Vladom KS koja se odnosi na Prijedloga NO iz augusta 2022. godine za smjenu Policijskog komesara Selimović Nusreta ne dostavlja KT Sarajevo.

AD-6

Nezavisni odbor je zaključio da se ova tačka Dnevnog reda odloži za narednu sjednicu na kojoj će prisustvovati komesar.

AD-7

Nezavisni odbor je zaključio da se ova tačka Dnevnog reda odloži za narednu sjednicu na kojoj će prisustvovati komesar.

AD-8

Nezavisni odbor je zaključio da se ova tačka Dnevnog reda odloži za narednu sjednicu na kojoj će prisustvovati komesar.

AD-9

Nezavisni odbor je zaključio da se ova tačka Dnevnog reda odloži za narednu sjednicu na kojoj će prisustvovati komesar.

AD-10

U okviru ove tačke dnevnog reda raspravljano je o aktu broj:01-8/23 od 31.01.2023. godine kojim ministar MUP-a Kantona Sarajevo obavještava Nezavisni odbor da je Nusret Selimović podnio ostavku na mjesto policijskog komesara Uprave policije MUP-a Kantona Sarajevo te da u skladu sa



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

6/36

članom 48. tačka a) Zakona o unutrašnjim poslovima („Službene novine Kantona Sarajevo“ br.:1/16, 26/19, 31/19 i 39/20) Nezavisni odbor je dužan da podnese prijedlog za smjenu policijskog komesara. U raspravi su učestvovali svi članovi Nezavisnog odbora, te su zauzeli jedinstven stav da se Vladi KS putem Ministra MUP-a KS uputi Prijedlog za smjenu policijskog komesara u kom je navedeno:

Na osnovu člana 49. stav 1., u vezi sa članom 48. stav 1. tačka a) Zakona o unutrašnjim poslovima Kantona Sarajevo (Službene novine Kantona Sarajevo broj: 1/2016, 6/2019 - autentično tumačenje, 26/2019, 31/2019 i 39/2020), te člana 8. stav. 1. tačka 5. Poslovnika o radu Nezavisnog odbora (Službene novine Kantona Sarajevo broj: 13/2022 i 52/2022), podnosi se;

Prijedlog za smjenu Policijskog komesara

Prijedlog za smjenu se podnosi iz razloga što je Policijski komesar aktom broj: 02-14/23 od dana 31.01.2023. godine, podnio ostavku na mjesto Policijskog komesara Uprave policije MUP KS.

Obrazloženje

Nezavisni odbor Skupštine Kantona Sarajevo zaprimio je dana 31.01.2023. godine, dopis ministra unutrašnjih poslova Kantona Sarajevo broj: 01-8/23 od 31.01.2023. godine, kojim se Nezavisni odbor obavještava da je Policijski komesar Nusret Selimović aktom broj: 02-14/23 od 31.01.2023. godine, podnio ostavku na mjesto Policijskog komesara Uprave policije MUP KS vršiteljci dužnosti premijera Vlade Kantona Sarajevo Softić Kadenić Darije, te ministra unutrašnjih poslova Kantona Sarajevo Katica Admira, a koji fco. akta Policijskog komesara je Nezavisnom odboru dostavljen u prilogu akta ministra. Kako su ispunjeni uvjeti za smjenu Policijskog komesara propisani gore navedenim odredbama Zakona o unutrašnjim poslovima Kantona Sarajevo, predlažemo da Vlada Kantona Sarajevo postupi po Prijedlogu Nezavisnog odbora, a u skladu sa Zakonom.

Zbog novonastale situacije Nezavisni odbor je sačinio saopćenje za javnost koje će biti dostavljeno medijima preko Press službe Skupštine KS dana 01.02.2023. godine.

Nezavisni odbor je razmatrao zahtjev dentalne klinike „SARADENT“ u vezi krađe veće količine novca te postupanja službenika PU Centar. Zaključeno je da se od Uprave policije MUP-a Kantona Sarajevo zatraži informacija o postupanju o konkretnom predmetu i o tome izvjesti Nezavisni odbor.

O informacijama Policijskog komesara koje se odnose na „9. januar“ i nemilim dešavanjima ispred hotela „HILS“ na Ilidži Nezavisni odbor će raspravljati na narednoj sjednici.

DVANAESTA SJEDNICA (16.02.2023. godine)

Dvanaesta sjednica Nezavisnog odbora, održana je dana 16.02.2023. godine u prostorijama Skupštine Kantona Sarajevo, i sjednici su prisustvovali svi članovi Nezavisnog odbora. Sjednici nije prisustvovao policijski komesar Nusret Selimović. Predložen je dnevni red:

1. Usvajanje Zapisnika sa 11. sjednice Nezavisnog odbora;
2. Informacija MUP KS broj: 02-125/22 od 26.12.2022. godine;
3. Izvještaj o radu Policijskog komesara broj: 02-05/23 od 12.01.2023. godine (oktobar-decembar 2022. godine);
4. Informacija o aktivnostima Uprave policije MUP KS za decembar 2022. godine;
5. Informacija o aktivnostima Uprave policije MUP KS za 2022. godinu;



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

7/36

6. Odgovor Policijskog komesara na pitanja članova NO broj: 02-09/23 od 19.01.2023. godine;
7. Razno.

Na osnovu člana 45. st.3 Zakona o unutrašnjim poslovima Kantona Sarajevo („Službene novine Kantona Sarajevo“ br.:1/16, 26/19, 31/19 i 39/20) „U slučaju nemogućnosti prisustvovanja sjednici Nezavisnog odbora, policijski komesar je dužan obavijestiti predsjednika Nezavisnog odbora koji sjednicu može odložiti ili donijeti odluku da će se ista održati bez prisustva policijskog komesara“, te su članovi Nezavisnog odbora odlučili da se sjednica održi.

Članovi Nezavisnog odbora su jednoglasno usvojili Dnevni red 12.sjednice Nezavisnog odbora.

AD-1

Zapisnik sa 12. sjednice Nezavisnog odbora je jednoglasno usvojen.

AD-2, AD-3, AD-4, AD-5 i AD-6 nisu razmatrane jer ne postoje uslovi za raspravu usljed nedolaska Policijskog komesara.

AD-7

U okviru ove tačke dnevnog reda razgovarano je o nedolasku na sjednice Nezavisnog odbora policijskog komesara gosp. Nusreta Selimovića. U raspravi su učestvovali svi članovi Nezavisnog odbora smatrajući da je nedopustivo da komesar bez opravdanih razloga ne prisustvuje sjednicama Nezavisnog odbora.

Još u decembru 2022. godine komesar je bio upoznat da će se početkom naredne godine vršiti evaulacija njegovog rada, međutim isti nije došao na sjednice Nezavisnog odbora 31.01.2023. i 16.02.2023. godine, što proizlazi da ne želi odgovoriti na pitanja članova Nezavisnog odbora.

Na kraju članovi Nezavisnog odbora su donijeli sljedeći zaključak koji je upućen:

- Vlada Kantona Sarajevo
- N/r V.D. Premijerke
- Ministarstvo unutrašnjih poslova Kantona Sarajevo
- N/r Ministra
- Komisija za sigurnost

Obavještavamo vas da Policijski komesar MUP-a Kantona Sarajevo Nusret Selimović dva puta uzastopno nije prisustvovao sjednicama Nezavisnog odbora, (31.01.2023. godine i 16.02.2023. godine) iako je blagovremeno pozvan pismenim putem.

Ured policijskog komesara, neposredno pred početak sjednica, obavijestio je sekretara Nezavisnog odbora o njegovom nedolasku.

Napominjemo kako je na zakazanim sjednicama Nezavisnog odbora planirana evaluacija rada Policijskog komesara MUP-a Kantona Sarajevo za 2022. godinu, a o čemu je Policijski komesar obavješten usmeno na 10. sjednici Nezavisnog odbora, kao i pozivima za 11. i 12. sjednicu, a sve u cilju donošenja prijedloga ocjene o radu Policijskog komesara MUP-a Kantona Sarajevo za 2022. godinu.

Nezavisni odbor je uputio zahtjev za dostavu informacije Policijskom komesaru da se izjasni do petka 17.02.2023. godine do kraja radnog dana koji glasi:



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

Na osnovu člana 45.st.2 i 3 Zakona o unutrašnjim poslovima Kantona Sarajevo i člana 32. St.1 Poslovnika o radu Nezavisnog odbora potrebno je da obavjestite Nezavisni odbor o razlozima ne prisustvovanja sjednicama Nezavisnog odbora (31.01.2023. godine i 16.02.2023. godine). Informaciju dostaviti do petka 17.02.2023. godine do kraja radnog vremena.

TRINAESTA SJEDNICA (23. i 27.02.2023. godine)

Trinaesta sjednica Nezavisnog odbora, održana je dana 23. i 27.2023. godine u prostorijama Skupštine Kantona Sarajevo, i sjednici su prisustvovali svi članovi Nezavisnog odbora. Predložen je dnevni red:

1. Usvajanje Zapisnika sa 12. sjednice Nezavisnog odbora;
2. Prijedlog godišnje pismene ocjene rada policijskog komesara za 2022. godinu;
3. Razno.

Nakon što je konstatovano da su sjednici prisutni svi članovi Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući u skladu sa odredbom člana 6. stav 1. Poslovnika otvara sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1

Stavlja se na glasanje prijedlog o usvajanju Zapisnika sa 12. sjednice Nezavisnog odbora, te se konstatuje da je Zapisnik sa 12. sjednice NO jednoglasno usvojen.

Na prijedlog Predsjedavajućeg Adisa Šečića, Nezavisni odbor usvaja zaključak da se prethodno pređe na razmatranje tačka Dnevnog reda AD-3 (Razno), a nakon čega će se preći na razmatranje tačke Dnevnog reda AD-2 (Prijedlog godišnje pismene ocjene rada policijskog komesara za 2022. godinu).

AD-3

U uvodu ove tačke Dnevnog reda Predsjedavajući Adis Šečić se osvrnuo na obavijesti Policijskog komesara poslana putem e-maila 31.01. i 16.02.2023 od Policijskog komesara Nusreta Selimovića, a koje obavijesti se odnose na nemogućnost njegovog prisustvovanja zakazanim sjednicama Nezavisnog odbora od 31.01 (Jedanesta) i 16.02. 2023. (Dvanesta sjednica). Adis Šečić je istakao da je Nezavisni odbor na sjednici održanoj dana 16.02.2023. godine, donio Zaključak kojim se od Policijskog komesara traži dostavljanje informacije o razlozima njegovog neprisustvovanja 11.-oj i 12.-oj sjednici NO, te kako je navedenim Zaključkom ostavljen precizan rok za dostavljanje informacije, i to do 17.02.2023. do kraja radnog vremena, a koji rok je bez bilo kakvog obrazloženja „probijen“, iz kojeg razloga smatra da je dostavljena obavjest Policijskog komesara neblagovremena, dok ističe i da je Policijski komesar svaki put uredno i blagovremeno bio obavješten o terminima održavanja sjednica Nezavisnog odbora, i to najmanje 7 dana ranije.

Sa ovim mišljenjem se slaže i član Odbora Kenan Kapo, koji je istakao da je i u prošlom sazivu dolazilo do ovakvih situacija.

Na kraju Nezavisni odbor je zauzeo jednoglasan stav, a u skladu sa članom 32. Poslovnika o radu Nezavisnog odbora:

Ne prihvata se Obavjest Policijskog komesara poslana 22.02.2023. godine putem e-maila prema Nezavisnom odboru, a u vezi sa aktom broj: 01-04-476-2/23 od 16.02.2023. godine, a iz



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

9/36

razloga što je dostavljena neblagovremeno, te je nepotpuna i neargumentovana, u smislu da ne pruža nikakve dokaze iz kojih proizilaze opravdani razlozi za neprisustvovanje Policijskog komesara sjednicama Nezavisnog odbora, a što predstavlja njegovu obavezu prema odredbi člana 45. Zakona o unutrašnjim poslovima KS.

AD-3.1

Kada je riječ o zaprimljenoj Predstavci na rad rukovodioca MUP Kantona Sarajevo, Jedinice za saobraćaj-Tufo Arnesa od strane anonimnog građanina, Nezavisni odbor donosi zaključak da će zaprimljena Predstavka biti prosljeđena Odboru za žalbe javnosti na nadležno postupanje.

AD-2

Na početku rasprave po tački 2. Dnevnog reda 13. sjednice Nezavisnog odbora pod nazivom: Prijedlog godišnje pismene ocjene rada policijskog komesara za 2022. godinu, na prijedlog Predsjedavajućeg Nezavisnog odbora Šečić Adisa, Nezavisni odbor je jednoglasno, a u skladu sa odredbom člana 5. stav 11. Poslovnika o radu Nezavisnog odbora, donio Zaključak da će Zapisnik po ovoj tački voditi član Nezavisnog odbora Mensud Cibra.

Na osnovu člana 5. stav 11. Poslovnika o radu Nezavisnog odbora, donosi se zaključak da će član Nezavisnog odbora Mensud Cibra voditi Zapisnik po tački 2. Dnevnog reda Nezavisnog odbora, pod nazivom:

- Prijedlog godišnje pismene ocjene rada Policijskog komesara za 2022. godinu:

Konstatuje se da je Predsjedavajući Nezavisnog odbora Šečić Adis članovima NO saopćio kako se prelazi na tačku 2. dnevnog reda, 13. sjednice Nezavisnog odbora, pod nazivom Prijedlog godišnje pismene ocjene rada policijskog komesara.

Konstatuje se da je Predsjedavajući Nezavisnog odbora Šečić Adis članovima NO pročitao odredbu člana 46. Zakona o unutrašnjim poslovima KS (Službene novine Kantona Sarajevo, br. 1/2016, 6/2019 - autentično tumačenje, 26/2019, 31/2019 i 39/2020), te odredbu člana 21. Poslovnika o radu NO (Službene novine Kantona Sarajevo, br. 13/2022 i 52/2022).

Nakon toga, Predsjedavajući NO Šečić Adis je pozvao članove Nezavisnog odbora da iznesu svoje stavove o viđenju rada Policijskog komesara za 2022. godinu, te istakao kako će se nakon iznošenja stavova i razmjene mišljenja pristupiti glasanju o Prijedlogu pismene ocjene rada Policijskog komesara.

Članovi NO su iznijeli svoje viđenje rada policijskog komesara, i to kako slijedi:

- Izlaganje člana NO Kenan Kapo:

Sagledavajući rad PK za 2022. godinu dajem pozitivna i negativna opažanja za potrebe donošenja ocjene o radu PK. Kao pozitivnu stranu rada PK vidim rad i usmjeravanje resursa Uprave policije (UP) KS na aktivnostima vezanim za Sky aplikaciji, u smislu odgovora na zahtjeve tužilaštva i rezultate rada pojedinih sektira u UP i pojedinaca u UP koji rade direktno na ovim referatima.

Kao negativnu stranu rada PK vidim u niskom izvršenju budžeta koji je odobren od strane Vlade KS, cca. 20 miliona za opremanje Uprave policije MTS-om. Nije nabavljeno niti jedno motorno vozilo, a kamoli drugi predviđeni MTS. Ono što je nabavljeno uglavnom se odnosilo na tekuće održavanje.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

10/36

Kao drugu negativnu stranu u radu PK vidim u njegovom nečinjenju i nepoduzimanju konkretnih koraka na provođenju unaprijeđenja na svim nivoima policijskih službenika.

Kao treću negativnu stranu u radu PK vidim u neizvršavanju NO o poduzetim aktivnostima na utvrđivanju propusta u radu i planiranju osiguranja derbija FK Željezničar i FK Sarajevo odigranog na stadionu Grbavica, kada je došlo do tuče navijača u stadionu i povređivanja navijača. Također sa slučaj Arnautović Admir zvani Šmrk, NO nije dobio traženi izvještaj u kojem je trebalo da stoji obrazloženje da li je bilo propusta u radu nadležne PU, kako je nastala šteta na motornom vozilu vlasništva UP i koje su radnje poduzete po tom pitanju.

Kao zamjerku u radu PK vidim i u činjenici da bez obzira što PK ima odjeljenje za odnose sa javnošću, trebao je OK biti više vidljiv u medijima kada su javnosti trebala biti data pojašnjenja određenih događaja.

- Izlaganje člana NO Idrizović Jasmina

Sagledavajući sveukupni rad PK za 2022. godinu, uvidom u Informacije o aktivnostima Uprave policije za 2022. godinu, kvartalne izvještaje o radu PK za 2022. godinu, prisustvo i odgovori na sjednicama NO tokom 2022. god i informacije o pojedinim događajima na području KS u toku 2022. godine koji su bitno uticali na sigurnost građana i imovine, ističem da ću ovom prilikom naglasiti uočene pozitivne, kao i negativne strane u radu PK i

Uprave policije u cjelini. U oblasti kriminaliteta/Statistički pokazatelji/vidljivo je u 2022. g procentualno smanjenje izvršenja KD za 15,9% u odnosu na 2021. godinu, što može da ukazuje da je Uprava policije svojim aktivnostima preduzimala planske mjere i radnje na sprečavanju izvršenja KD. Istovremeno bi se kritički osvrnuo na nizak procenata rasvijetljenosti KD po nepoznatom izvrsiocu za 2022. godinu po pojedinim PU /Centar 19%, Ilidza 21%, Novi Grad 27%/, što na broj pol.sluzbenika,uvođenje prekovremenih i rad noću/ukazuje da se nije proaktivno radilo u toj oblasti o čemu sam htio tražiti i dodatna pojašnjenja od PK na najavljenim sjednicama NO 31.01. i 16.02.2023. g na koje isti nije pristupio. /Izvor-Informacija o aktivnostima Uprave policije za 2022.g/.

Istakao bih pozitivno i rad Uprave policije na Sky aplikaciji u koordinaciji sa nadležnim tuzilastvima, te postignutim rezultatima.

Kao negativnu stranu u radu PK vidim pitanje sporog provođenja presude Općinskog I Kantonalnog suda u Sarajevu vezano za nezakonito cinovanje iz 2012.godine.Svojom sporoscu i neefikasnosti, može se reći dugotrajnim traženjem pravnih rjesenja gotovo dvije godine uz pritisak javnosti je trebalo provesti presudu a ista je bila jasna i koje radnje se trebaju učiniti. /Presude Općinskog i Kantonalnog suda/.

Prateći aktivnosti PK u postupcima činovanja policijskih službenika u UP imam primjedbu na sporost provođenja istih u 2022.godini, posebno uzevši u obzir i da su se ranije stekli zakonski uslovi za činovanje. Postupci su morali biti efikasniji, blagovremeni, brzi u skladu sa odgovarajućim propisima. Stiče se dojam da se u Upravi policije postupku činovanja u 2022. godini nije pristupilo planski i sveobuhvatno, dok se posebno unapređenje predviđeno zakonom o



policijskim službenicima u 2022. god. nije ni razmatralo od strane PK a postojali su zakonski uslovi za njegovo provođenje.

Uvidom u Pravilnik o unutrašnjoj organizaciji i sistematizaciji UP MUPa KS od 10.03.2022. godine, predviđeno je vršenje redovnog i vanrednog unutrašnjeg nadzora org.jedinica Uprave policije. U odgovoru na pitanja koja su dostavljena PK, navedeno je da su u toku 2022.god. izvršena samo tri vanredna nadzora, dok redovni nadzori nisu vršeni/Akt Odjeljenja za nadzor,koordinaciju i usmjeravanje broj 02/2-2-05/23 od 13.01.23.god/. Ističem da se redovni unutrašnji nadzor moraju vršiti kontinuirano u svim segmentima rada čime bi se postigla ažurnost, profesionalniji pristup u radu policijskih službenika, spriječila nezakonitosti i prevenirali slučajevi fingiranih saobraćajnih nezgoda, otuđenju oduzetog novca iz kase UP, neprikazivanje pretovara tereta na području PU Hadzici i dr.

- Izlaganje člana NO Solak Esada:

Dana 02.03.2022. godine je ovaj NO organizirao konstituirajuću sjednicu i par dana poslije smo imali nemili događaj na derbiju Željo – Sarajevo, tražena je informacija o istom , te je od strane PK dana 10.03.2022. godine dostavljena Informacija i Plan osiguranja broj 02/2-23/22., a u kojoj se između ostalog navodi da je PK naložio JPS i Odjeljenju za unutrašnju kontrolu da se odmah uključe s ciljem vršenja provjera i utvrđivanje eventualnih povreda službene dužnosti. Na kraju Nezavisni odbor je zauzeo stav da se dešavanja na gradskom derbiju moraju spriječiti što zahtijeva i sprovođenje operativnog plana u potpunosti. Potrebno je analizirati propuste koji su se desili te u budućnosti spriječiti ovakve nemile scene. Isto tako potrebno je pokrenuti istragu da se utvrdi koja karika u realizaciji operativnog plana je „podbacila“ te isti trebaju snositi odgovornost. Policijski komesar nije nikad obavijestio NO o sprovedenoj unutrašnjoj istrazi i eventualnoj odgovornosti policijskih službenika, što samo po sebi ukazuje na odgovornost prema zadatku koji je naložio NO.

(Zapisnik sa 2. sjednice NO)

Na 2. sjednici NO 22.03.2022. godine tražio sam informaciju šta se poduzelo po pitanju pokušaja ubistva lica Ž.M. i to dva puta u vrlo kratkom vremenskom periodu, 15.02.2022. godine i 16.03.2022. godine, gde je PK istakao da je vrlo teška situacija jer oštećeni odbija bilo kakvu saradnju sa organima gonjenja te da su policijski službenici aktivno uključeni u navedeni događaj ali u cilju istrage ne može iznositi više detalja te će po završetku nas upoznati o preduzetim mjerama i radnjama. Uvidom u Informaciju o aktivnostima UP MUP KS za 2022. godinu na stranici 8. navedeno ubistvo u pokušaju nije rasvijetljeno, a PK nije nikad dostavio dokumentaciju NO. (Zapisnik sa 2. sjednice NO i naprijed navedena Informacija)

Dana 24.05.2022. godine na 4. sjednici NO razmatran je Izvještaj o radu PK za mjesec januar-mart 2022. godine broj: 02/23-25/22 od 11.04.2022. godine iz koga se da zaključiti da PK u navedenom periodu nije održao niti jedan stručni kolegij UP, a koji je propisan odredbama člana 67. Pravilnika o unutrašnjoj organizaciji MUP Kantona Sarajevo broj: 01-12-6/17 od 29.06.2017.godine, broj:01-12-7/17 od 25.09.2017. godine, broj: 01-07-05-5436/19 od 02.10.2019.godine i broj:01-7-04-489/20 od 24.01.2020. godine, kao i članom 759. Pravilnika o unutrašnjoj organizaciji MUP Kantona Sarajevo broj: 01-7-02-4934/21 od 16.02.2022. godine. Također na 4. sjednici NO, u izvještaju o radu PK nije navedeno da je bilo saradnje sa Kantonalnim tužilaštvom Kantona Sarajevo iz čega se može zaključiti da PK nije poštovao odredbe člana 762. Pravilnika o unutrašnjoj organizaciji MUP Kantona Sarajevo broj: 01-7-02-4934/21 od 16.02.2022. godine gdje je propisano da UP u ostvarivanju svojih poslova i zadataka ostvaruje saradnju sa drugim



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

12/36

organima ,organizacijama i institucijama a posebno sa tužilaštvima, sudovima i drugim relevantnim pravosudnim organima u pitanju iz svoje nadležnosti. Smatram da je PK trebao više pažnje posvetiti saradnji sa glavnom tužiteljicom KT Kantona Sarajevo čime bi doprineo boljim rezultatima rada UP MUP KS.

PK u navedenom izvještaju (januar-mart 2022. godine) nije obrazložio zašto nije poduzeo aktivnosti koje su propisane članom 85. Zakona o policijskim službenicima Kantona Sarajevo („Službene novine Kantona Sarajevo“ broj: 38/18., 26/19. i 39/20) a koje se odnose na postupak unapređenje policijskih službenika.

Moja preporuka u dijelu što se tiče samih Izvještaja o radu PK za NO bila je da je obaveza istog da nam dostavi Izvještaj o rezultatima rada Uprave policije i da stavlja na raspolaganje sve tražene podatke i dokumentaciju iz nadležnosti rada NO. (Član 23.stav (3) tačka v) Zakona o unutrašnjim poslovima Kantona Sarajevo, („Službene novine Kantona Sarajevo“ broj: 1/16.,6/19 autentično tumačenje, 26/19., 31/19. i 39/20) i članom 755. Pravilnika o unutrašnjoj organizaciji MUP Kantona Sarajevo broj: 01-7-02-4934/21 od 16.02.2022. godine.

Kada su u pitanju organi disciplinskog postupka koje uspostavlja PK, a prije svega mislim na Disciplinsku komisiju i disciplinskog tužioca, smatram da se uopće ne prati rad navedenih tijela jer ne postoji uopće dokaz na koji način se prati njihov rad. To potkrepljujem činjenicom da su Rješenja Disciplinske komisije u većini slučajeva po izjavljenim žalbama od strane policijskih službenika protiv kojih je vođen postupak od strane Policijskog odbora oslobođeni odgovornosti.

Zatim sam ukazivao PK da je od strane disciplinskog tužioca i njegovog zamjenika nedovoljno posvećenosti samim kvalitetima zahtjeva za pokretanje disciplinskog postupka i samom zastupanju istog pred Disciplinskom komisijom. Predlagao sam da se izvrši edukacija članova Disciplinske komisije i disciplinskog tužioca i njegovog zamjenika u cilju kvalitetnijeg rješavanja disciplinskih postupaka. (član 106. Zakona o policijskim službenicima Kantona Sarajevo („Službene novine Kantona Sarajevo“ broj: 38/18., 26/19. i 39/20).

Kada je u pitanju Komisija za unapređenje, a koja se odnosi na postupak unapređenja u čin glavni inspektor i sva odugovlačenja, a koje je na sjednici NO iznio PK a tiču se banalnih stvari da nije bilo uručeno rješenje stručnom licu u Komisiji, a nakon toga da je član Komisije pogrešio dva pitanja na osnovu kojih je Policijski odbor poništio postupak dovoljno pokazuju svu ozbiljnost i predanost u radu. Komisija imenovana dana 15.07.2022. godine, a 05.09.2022. godine uručena rješenja. Članom 760. Pravilnika o unutrašnjoj organizaciji MUP Kantona Sarajevo broj: 01-7-02-4934/21 od 16.02.2022. godine propisano je formiranje Komisija i drugih radnih tijela na način da njihov sastav, zadaci, dinamika izvršavanja predviđenih zadataka, kao i druge uslove rada, utvrđuje se rješenjem koje donosi PK. Analizirajući naprijed navedene postupke očito je da PK nije postupao po naprijed navedenim odredbama Pravilnika.

Na 9. sjednici od 08.11.2022. godine PK je podnosio Izvještaj o radu za period juli septembar 2022. godine i na stranici broj 7. navedeno je:

„Krivično djelo iz člana 166. stav 2. tačka e) KZ-a FBiH (Ubistvo) policijskih službenika, izvršeno dana 26.10.2018. godine u kojem policijski službenici u saradnji sa službenicima SIPA-e, OSA-e i MUP-a RS, pod direktnim nadzorom postupajućih tužilaca Kantonalnog tužilaštva Kantona Sarajevo, preduzimaju mjere i radnje na dokumentovanju završnih istražnih aktivnosti.“



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

13/36

Ukazao sam PK kako se moglo onda desiti da je na internet stranici MUP, PK nagradio policijske službenike za doprinos u rasvjetljavanju navedenog krivičnog djela te je PK izvršio ispravku navedene stranice u svom izvještaju.

Na 10. Sjednici NO razmatran je Izvještaj o radu UP MUP KS za mjesec novembar 2022. godine, gde sam PK ukazao na podatke koji se tiču oduzetih količina opojnih droga a posebnona količinu heroina i to 1 gram, kao i ostalih droga te smatram da se navedenoj problematici ne poklanja dovoljno pažnje.

Također sam ukazao na postupanje policijskih službenika u oblasti bezbjednosti saobraćaja gdje su rezultati u pojedinim Policijskim stanicama drastično razlikuju.

Ovdje želim da posebno ukažem na prvu informaciju broj 02-82/22 od 29.08.2022. godine koju je NO zaprimio od PK a tiče se događaja od 14.08.2022. godine. Naime prošlo je 113 dana a PK nije dostavio Informaciju kako se završila unutrašnja istraga, iako je u prvoj Informaciji navedeno da će NO o rezultatima istrage biti obavješten.

Ovdje želim još da ukažem da je UP sa PK tokom 2022. godine izvršila puno osiguranja javnih skupova i sve aktivnosti izvršene profesionalno.

- Izlaganje člana NO Branislav Bunjevac:

Nakon izlaganja kolega teško je nešto dodati što nije rečeno.

Vidljivo je da PK u protekloj godini nije vršio redovno i posebno unaprijeđenje policijskih službenika što je dovelo do slabljenja radne discipline i narušavanja međuljudskih odnosa u Upravi policije, te je kao posljedicu imalo dostavljanje različitih predstavki koje su policijski službenici podnosili jedni protiv drugih kao i predstavki na rad PK.

U toku 2022. godine nisu blagovremeno formirane komisije za činovanje niti su provedeni potrebni postupci. Započeti su samo postupci za unaprijeđenje u čin Glavnog inspektora i čin starijeg policajca, dok za ostale činove nisu započeti postupci unaprijeđenja. Postupci unaprijeđenja se odvijaju sporo i može se zaključiti da se sa istim odugovlači, tako da bi postupci unaprijeđenja takvim tempom mogli trajati i nekoliko godina. (obaveze iz člana 23. stav 2. i 3. Zakona o unutrašnjim poslovima KS („Službene novine Kantona Sarajevo“, br. 1/2016, 6/2019 - autentično tumačenje, 26/2019, 31/2019 i 39/2020).

Nije vršena adekvatna nabavka policijskih uniformi, opreme i drugog MTS-a, (što predstavlja obavezu iz člana 23., stavovi 2. i 3. ZUPKS), zbog čega su pojedini policijski službenici istupali u medijima tvrdeći da su sami vršili nabavku dijelova uniforme, te zbog iznošenja navedenih podataka interno i disciplinski bili procesuirani.

Navedenom stanju radne discipline i narušavanju međuljudskih odnosa u Upravi policije je u mnogome doprinijelo i neredovno održavanje Stručnih kolegija (naročito u prvom polugodištu 2022. gđine), na kojim bi se između ostalog vršila analiza stanja međuljudskih odnosa, radne discipline i rezultata rada u Upravi policije, te poduzele mjere i aktivnosti na unapređenju istih, obaveza iz člana 759. stav 1.i 5. Pravilnika o unutrašnjoj organizaciji i sistematizaciji MUP-a Kantona Sarajevo broj: 01-7-02-4934/21 od 16.02.2022. godine.

Policijski komesar nije prisustvovao sjednicama Nezavisnog odbora na kojima je u skladu sa dnevnim redom trebao predstaviti izvještaj o radu za četvrti kvartal 2022. godine, čime je prekršio



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

14/36

odredbe člana 45., stavovi 2. i 3. Zakona o unutrašnjim poslovima Kantona Sarajevo, čime je onemogućio Nezavisni odbor da sačini detaljan tromjesečni izvještaj o radu PK u skladu sa članom 45. stav 5. Zakona o unutrašnjim poslovima KS („Službene novine Kantona Sarajevo“, br. 1/2016, 6/2019 - autentično tumačenje, 26/2019, 31/2019 i 39/2020), te da isti dostavi Skupštini Kantona Sarajevo.

U toku 2022. godine nije na adekvatan način vršen nadzor nad radom Uprave policije, što predstavlja obavezu iz člana 23., stavovi 2. i 3. Zakona o unutrašnjim poslovima KS („Službene novine Kantona Sarajevo“, br. 1/2016, 6/2019 - autentično tumačenje, 26/2019, 31/2019 i 39/2020).

- Izlaganje člana NO Mineta Hrvat:

Što se tiče izlaganja članova NO slažem se sa svim što je rečeno.

Pozitivna stvar u radu PK jeste smanjenje kriminaliteta po statističkim podacima, ukoliko dostavljeni statistički podaci zaista i odgovaraju činjeničnom stanju.

Kada je riječ o negativnim aspektima rada Policijskog komesara posebno želim istaknuti akt PIO-MIO koji je dostavljen NO, iz kojeg proizilazi da na dan 01.07.2022. godine PK ima radni staž 40 godina i 17 dana, pa nije jasno po kojem osnovu je nastavio obnašati funkciju PK. Naime, odredbama važećeg Zakona o radu u F BiH predviđeno je da radniku po sili zakona prestaje radni odnos u slučaju kada radnik ispunjava uslove za starosnu penziju, dok po Zakonu o policijskim službenicima KS Policijski komesar ne može biti imenovan na tu funkciju ukoliko će u mandatnom periodu ispuniti uslove za penziju. Imajući u vidu navedeno, u smislu dostavljenog akta FZ PIO/MIO smatram da Policijski komesar od momenta dostavljanja predmetnog akta obavlja svoju funkciju bez valjane pravne osnove, što samo po sebi povlači određene pravne konsekvence. Ostavka poslije 7 mjeseci od dana kada je stekao uslove za penziju nema smisla, prvenstveno što ne postoji zakonit osnov njegovog radnog angažovanja do danas.

Nadalje, smatram da je Policijski komesar svojim nečinjenjem, odnosno propuštanjem da na vrijeme preduzme aktivnosti iz svoje nadležnosti ugrozio rad institucije na čijem je čelu, budući da nije u skladu sa Zakonom izvršio neophodna činovanja i unapređenja, te je na taj način stvorio situaciju da u iznimnim ili hitnim slučajevima, odsutnosti Policijskog komesara, istog nema ko zamijeniti. Ove činjenice je Policijski komesar mogao i morao znati, te u skladu sa zakonom blagovremeno preduzeti sve neophodne radnje za nesmetan rad organa kojim rukovodi.

Kada je riječ o odgovorima koje je Policijski komesar dostavio na pitanja postavljena od strane NO, kao jedan od osnova za njegovu godišnju ocjenu, smatram da isti nisu u cjelosti precizni, budući da je na neka pitanja nepotpuno odgovoreno. S druge strane, odgovori na neka pitanja su u koliziji sa prethodno dostavljenim izvještajima ili ostalim odgovorima. Primjera radi, kroz izvještaje, a i u samom odgovoru na pitanja Policijski komesar konstantno ističe podkapacitiranost, dok se u jednom od odgovora navodi da je za prekovremeni rad u cijenjenom periodu izdvojeno cca.3.000.000,00 KM, odnosno oko 8% ukupne naknade svih radnika, te se pri tom navodi da je isto bilo neophodno radi optimalnog i blagovremenog ispunjavanja radnih zadataka. Uzimajući u obzir prednje, smatram da je Policijski komesar imao obavezu planirati na vrijeme kadrovske kapacitete, raspisati konkurs za zapošljavanje novih radnika, te sredstva koja su izdvojena za prekovremeni rad (za koji se plaća uvećana naknada) preusmjeriti za plaće novouposlenih radnika, što bi imalo valjanu pravnu osnovu, a s druge strane bi dovelo do racionalnog, a ne prekomjernog iskorištavanja raspoložive radne snage.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

15/36

Metodologija izvještavanja rada PK prema ovom NO, koju su sačinili članovi NO nije poštovana od strane PK. PK je izvještaj podnosio djelimično odgovarajući na pitanja koja su sadržana u metodologiji izvještavanja, a na neka pitanja nije uopće davao odgovor.

Akta/izjašnjenja/izvještaji koji su dostavljani NO od strane PK nisu dostavljani blagovremeno niti su adekvatno obrazložena.

- Izjašnjenje člana NO Mensud Cibra:

Bitno je istaći da je NO u ovom sastavu počeo sa radom sa početkom marta, 2022. godine, da smo imali drugi i treći kvartal kada smo aktivno pratili rad PK, da izvještaj za četvrti kvartal 2022. godine PK nije izlagao pred NO niti je prisustvovao sjednicama NO na kojima bi mogao odgovoriti na pitanja članova NO, što u mnogome otežava rad NO.

Generalno bilo je pozitivnih i negativnih argumenata na koje se možemo referirati prilikom evaluacije rada PK u 2022. godini i na osnovu kojih možemo dati prijedlog ocjene rada PK, odnosno dati svoj glas za neku od ocjena kojom se PK može ocjeniti.

Slažem se da je UP izdvojio ljudske resurse i finansijska sredstva na rasvjetljavanju Sky aplikacije, što je pozitivno. Međutim, moje mišljenje je da se stvarni rezultat ovih aktivnosti može analizirati tek kada prikupljeni dokazi budu iskorišteni u sudskim postupcima pred nadležnim sudovima i kada lica kojima se bude sudilo budu presuđena i bude im izrečena kazna.

Pomak u radu UP se može vidjeti kroz statističke pokazatelje smanjenja djela u oblasti kriminaliteta.

Mislim da ima nekoliko bitnih stvari koje su neopravdano zanemarene od strane PK a imaju uticaj na operativnost i funkcionalnost UP.

Prva stvar se odnosi na činovanje policijskih službenika na svim nivoima. Činovanje je bitan segment u UP koji, ukoliko se provodi redovno i objektivno smanjuje tenzije među policijskim službenicima i stvara osjećaj sigurnosti policijskih službenika da će unaprjeđenjem biti nagrađeni za svoj rad. Činovanja koja su provedena 2012. godine, koja su svoj epilog dobila u sudskim presudama Općinskog suda u Sarajevu i Kantonalnog suda u Sarajevu, jasno ukazuju na propuste u činovanju iz tog vremena. Ono što je iznenađujuće jeste odugovlačenja PK Nusreta Selimovića da provede naprijed navedene presude, jer su se po presudama provedena činovanja morala poništiti. Čak i postupci činovanja koji su pokrenuti u 2022. godini nisu mogli proći bez propusta u radu komisije na način da jedan od članova komisije delegira dva pitanja koja nisu bila tačna i koja su bila predmet žalbi i na kraju uzrok poništenja i ponavljanja postupka. Na pitanje koje je upućeno PK, da li je pokrenut postupak za utvrđivanje odgovornosti člana komisije koji je delegirao sporna pitanja, PK je bio začuđen pitanjem i evidentno nije vidio ništa sporno u cijelom problemu.

Druga stvar jeste neiskorištenost budžeta za nabavku MTSa za potrebe UP. Vlada KS je namjenski odobrila sredstva za nabavku MTSa ali bužet nije realizovan i sredstva nisu utrošena.

Treća stvar jeste neprovođenje redovnog unutrašnjeg nadzora organizacionih jedinica UP. Kroz izvještaj PK je vidljivo da su bila 3 vanredna nadzora u 2022. godini. Međutim, vanredni nadzori su usmjereni na konkretno pitanje koje se želi istražiti nadzorom, dok su redovni nadzori sveobuhvatni i provođenjem istih vrši se prevencija propusta u radu policijskih službenika. Činjenica da je određeni broj policijskih službenika suspendovan i da su pokrenuti krivični postupci protiv policijskih službenika UP MUPa KS, dovoljna je indicija da se provede redovni nadzor nad organizacionim jedinicama, ali iz nama nepoznatih razloga redovni nadzori su izostali.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

16/36

Ističem da je NO u ovom sastavu sve informacije koje je dobijao (upite, akta i sl.), ukoliko su se ticali PK, sa istim prvo upoznao PK i tražili smo njegovo izjašnjenje prije zauzimanja stava NO po tom pitanju.

- Izlaganje Predsjedavajućeg NO Adisa Šečića:

U cilju donošenja objektivne ocjene rada Policijskog komesara MUP KS za 2022. godinu, a kao član Nezavisnog odbora koji vrši nadzor nad njegovim radom, analizirao sam dostavljene Informacije i Izvještaje o radu, kao i sve druge dokumente relevantne za ocjenu rada Policijskog komesara, te je moja prevashodna ocjena kako su usvajanjem nove metodologije izvještavanja od strane ovog Nezavisnog odbora stvorene pretpostavke za kvalitetnije i sveobuhvatnije sagledavanje postignutih rezultata u rukovođenju Upravom policije od strane Policijskog komesara. Pored navedenog, ističem kako sam prilikom ocjene rada, uzeo u obzir i izlaganja Policijskog komesara na sjednicama Nezavisnog odbora, dok napominjem kako Policijski komesar nije prisustvovao sjednicama Nezavisnog odbora na dane 31.01.2023. i 16.02.2023. godine, a na kojim sjednicama je nakon dostavljanja odgovora na pitanja članova Nezavisnog odbora, planirano da se o istima provede diskusija s ciljem dodatnog razjašnjenja određenih nepotpunih odgovora po upitima, a sve kako bi se potom, na narednoj sjednici moglo pristupiti donošenju Prijedloga godišnje ocjene rada Policijskog komesara. Budući da su članovi Nezavisnog odbora neprisuštvovanjem Policijskog komesara navedenim sjednicama ostali uskraćeni za određena pojašnjenja u svezi sa pitanjima na koja je dao parcijalne odgovore, te kako je svojim nedolascima u cjelosti propustio obavezu da izloži i obrazloži Izvještaj o radu Policijskog komesara za period oktobar-decembar 2022. godine, kao i Informaciju o aktivnostima Uprave policije MUP KS za 2022. godinu, a što je njegova obaveza, ali bi trebalo radi donošenja Prijedloga ocjene da predstavlja i njegov interes, usljed nedolaska, a u skladu sa prethodno iznesenim, u daljem izlaganju ću iznijeti svoje viđenje rada Policijskog komesara za 2022. godinu, i to kako pozitivne aspekte njegovog rada, tako i opažanja negativnih aspekata, odnosno propusta u rukovođenju, te nadgledanju i usmjeravanju aktivnosti Uprave policije MUP KS.

Kao pozitivan aspekt u radu Policijskog komesara, može se posmatrati činjenica da je pod njegovim rukovođenjem, MUP KS u oblasti kriminaliteta tokom 2022. godine zabilježio pozitivne rezultate, koji se prema statističkim pokazateljima koji su dostavljeni Nezavisnom odboru ogledaju u smanjenju broja evidentiranih krivičnih djela u odnosu na komparativni period iz 2021. godine, i iz kojih se može zaključiti kako se u bilježi smanjenje evidentiranih krivičnih djela od oko 16%.

Kada je riječ o istragama u predmetima u kojima se postupa po naredbama tužilaštava i sudova, a odnose se na analizu podataka dobijenih dešifrovanjem Sky Ecc i Anom aplikacija, prema informacijama kojim raspoložemo, MUP KS je analizom dešifrovanih aplikacija dao značajan doprinos u rasvjetljavanju većeg broja krivičnih djela počinjenih u prethodnom periodu, te je u tom smislu potrebno naglasiti značajnu saradnju koja je kroz takve istrage ostvarena sa partnerskim agencijama u Bosni i Hercegovini, ali i inozemstvu.

U svezi prednjeg, napominjem kako iz Izvještaja i Informacija o radu Uprave policije MUP KS koji su dostavljani Nezavisnom odboru, nije vidljivo koliko je Izvještaja o počinjenom krivičnom djelu i počinioocu podneseno nadležnim tužilaštvima, a koji su nastali kao rezultat rada na analizi dobijenih podataka iz Sky Ecc i Anom aplikacija, i to je jedno od pitanja koje sam namjeravao pitati Policijskog komesara prilikom evaluacije njegovog rada, za što sam ostao uskraćen, ali je svakako za pohvalu angažman Policijskog komesara u dijelu u kojemu koordinira saradnju policijskih službenika MUP KS koji rade na ovim predmetima sa drugim agencijama za provođenje zakona.



Nakon prethodnog dijela, u kojemu sam izložio svoje viđenje određenih aspekata rada Policijskog komesara za 2022. godinu, sopćavam Vam da prelazim na analizu sadržaja odgovora Policijskog komesara, koji odgovori su nam dostavljeni na traženje Nezavisnog odbora, i to aktom broj: 02-09/23 od 19.01.2023. godine.

1. Budžet

Iz odgovora Policijskog komesara koji se tiču izvršenja budžeta, analizom dostavljenih odgovora se može zaključiti kako je izvršenje budžeta 20%, a iz razloga jer u najvećoj mjeri nisu realizirani Ugovori, niti su okončani planirani postupci javnih nabavki, a isto nevjesto pokušava opravdati tvrdnjom da nisu realizirane planirane nabavke kroz interesorne projekte za koje je neophodan angažman više vladinih resora, bez da je naveo u kojem iznosu su odobrena sredstva za interesorne projekte, na koji način nastoji sakriti podatke o visini odobrenih sredstava za takve projekte u strukturi cjelokupno odobrenog budžeta Uprave policije MUP KS. Naime, iz dostavljenih odgovora, vidljivo je da je Policijski komesar Uprave policije MUP KS, propustio da blagovremeno poduzme mjere i radnje iz svoje nadležnosti, odnosno da nadgleda i usmjerava aktivnosti Uprave policije, usljed kojih propusta nisu realizirane planirane nabavke materijalno-tehničkih sredstava za čiju nabavku su mu bila odobrena budžetska sredstva, i na koji način je prekršio odredbu člana 23. stav 3. h) ZOUP KS koja propisuje da Policijski komesar odlučuje o korištenju sredstava i vrši nabavku opreme i materijalno-tehničkih sredstava u skladu sa namjenom odobrenih sredstava na budžetskoj poziciji Uprave policije, dok iz dostavljenih odgovora nije vidljivo niti da je u skladu sa odredbom člana 23. stav 3. tačka i) ZOUP KS pripremao tromjesečne izvještaje i preporuke u vezi sa realizacijom budžeta i iste podnosio ministru, a što je u konačnici rezultiralo nedopustivo niskom razinom realizacije budžeta Uprave policije MUP KS, čije je ukupno izvršenje budžeta 20% (ukupno odobreno 26 464 187 KM, izvršenje 5 445 711 KM), i to po budžetskim pozicijama:

- 613000 (materijal, sitni inventar i usluge) odobren iznos od 7 653 063 KM, a realizirane su nabavke u iznosu od 4 446 508 KM, odnosno izvršenje budžeta na navedenoj poziciji je 58%;
- 821000 (stalna sredstva) odobren iznos od 18 811 124 KM, a realizirane su nabavke u iznosu od 999 203 KM, odnosno izvršenje budžeta na navedenoj poziciji je 5%.

2. Prekovremeni rad

Tokom analize dostavljenih podataka koji se odnose na prekovremeni rad, Policijski komesar nije odgovorio na postavljeno pitanje da li je isti osnovan i vrednovan, ali iz analize dostavljenih podataka proizilazi da je za prekovremeni rad isplaćeno 8,4% ukupnih sredstava koja su isplaćena uposlenicima Uprave policije po osnovu redovnog rada (34 917 583 KM-redovni rad, 2 948 555 KM- prekovremeni rad).

U elaboraciji razloga za potrebom angažiranja policijskih službenika na prekovremenom radu, Policijski komesar se poziva na veliki broj upražnjenih radnih mjesta (sistematizovano 2122, uposleno 1311, upražnjeno 811), te navodi kako je prekovremenim radom osigurao blagovremeno izvršavanje poslova iz nadležnosti policijskog organa, na koji način je direktno priznao da kao rukovodilac Uprave policije MUP KS, a sukladno odredbi člana 23. stav 1. ZOUP KS, kontinuiranim nečinjenjem Upravu policije MUP KS doveo u poziciju da joj nedostaje 811 policijskih službenika, a imajući u vidu da Policijski komesar prema odredbi člana 23. stav 3.tačka e) ZOUP KS odlučuje o zasnivanju radnog odnosa i prestanku radnog odnosa, kao i o pravima, obavezama i odgovornostima iz radnog odnosa policijskih službenika, državnih službenika i namještenika uposlenih u Upravi policije, Policijski komesar je ne vodeći računa o blagovremenom prijemu policijskih službenika grubo prekršio propisane mu obaveze iz Zakona o unutrašnjim poslovima Kantona Sarajevo, na koji način je ugrozio operativnost i funkcionalnost policijskog



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-055, Fax:+ 387 (0) 33 562-210

Web: <http://skupstina.ks.gov.ba>

E-mail: skupstina@skupstina.ks.gov.ba

18/36

organa, kojega je doveo u poziciju nemogućnosti normalnog funkcioniranja bez prekovremenog rada, za kojim u pravilu treba posezati u situacijama kada je neophodno potrebno u najkraćem mogućem roku riješiti određeni sigurnosni problem koji izaziva uznemirenje javnosti, odnosno kada je potrebno obaviti hitan posao ili zadatak do određenog roka ili u određenom vremenskom periodu sukladno odredbi člana 96. ZOPS KS, a ne u cilju održavanja normalnog i blagovremenog izvršavanja redovitih poslova iz nadležnosti policijskog organa.

3. Prijem policijskih službenika (mlađi inspektor)

Tokom 2022. godine, u situaciji kada Upravi policije MUP KS nedostaje 811 policijskih , Policijski komesar Uprave policije MUP KS nije raspisao konkurs za prijem policijskih službenika u početnom činu mlađi inspektor, niti je dostavio podatak da je utvrdio upražnjena radna mjesta za zapošljavanje u činu mlađi inspektor, iako je u skladu sa odredbom člana 49. ZOUP KS dužan utvrditi upražnjena radna mjesta za početne činove radi periodičnog zapošljavanja novih policijskih službenika, a sve kako bi se održao propisan broj radnih mjesta i održavala operativnost policijskog organa, dok je navedeno posebno značajno posmatrati u kontekstu izjave Policijskog komesara da prekovremenim radom osigurava blagovremeno izvršavanje poslova iz nadležnosti policijskog organa.

4. Unapređenje policijskih službenika

Policijski komesar je prije svega propustio da blagovremeno raspiše konkurs za unaprijeđenje policijskih službenika, što je za posljedicu imalo da tokom 2022. godine nije unaprijedio niti jednog policijskog službenika Uprave policije MUP KS, a što je u suprotnosti sa odredbom člana 45. stav 1. tačka e) ZOPS KS, koji propisuje da policijski službenik ima pravo na napredovanje u karijeri i profesionalni razvoj kroz obuku i na drugi način u skladu sa zakonom. Prethodno navedeno proizilazi iz činjenice da iako mu je u februaru 2022. godine, sukladno članu 85. ZOPS KS nadležna organizaciona jedinica zadužena za kadrovska pitanja pripremila listu slobodnih radnih mjesta za sve činove za unaprijeđenje (osim početnih činova), Policijski komesar je svojim rješenjem Komisiju za unaprijeđenje imenovao 5 mjeseci kasnije, odnosno 15.07.2022. godine, dok su Rješenja o imenovanju u Komisiju svim članovima uručena zaključno sa 05.09.2022. godine.

Razmatrajući prethodno navedeno, stajališta smo kako je neprihvatljivo da je unutar Uprave policije MUP KS potrebno 50 dana da bi se svojim uposlenicima uručilo Rješenje imenovanju u Komisiju za unaprijeđenje, koji poslovi uzgred imaju prioritet u odnosu na sve druge poslove člana Komisije, pa takve propuste ovaj Nezavisni odbor ocjenjuje kao zanemarivanje obaveza Policijskog komesara koje proističu iz odredbe člana 23. stav 1. i stav 3.tačka b) ZOUP KS, kojima se propisuje da je Policijski komesar rukovodilac Uprave policije, i da u mu je obaveza da nadgleda i usmjerava aktivnosti Uprave policije kojom rukovodi, a posebno u složenoj sigurnosnoj situaciji kada Upravi policije nedostaje 811 Policijskih službenika, odnosno u sistemu nedostaje 38% policijskih službenika.

Sve prethodno obrazloženo vidimo kao propuste u radu Policijskog komesara, te kršenje zakonskih obaveza Policijskog komesara koje proizilaze iz odredbi člana 23. stav 3. tačka b), e), k) ZOUP KS, pa je Policijski komesar sam sebe doveo u poziciju da je primoran usljed učinjenih propusta u prošlosti da pravovremeno obrazuje Komisije i odgovarajuća radna tijela, da blagovremeno raspisuje konkurse za unaprijeđenje policijskih službenika, te da u kontinuitetu nadgleda i usmjerava aktivnosti, doveo Upravu policije u situaciju da ima neprihvatljivo velik broj nedostajućih policijskih službenika, koje će zbog učinjenih propusta u prošlosti biti jako teško popuniti u narednom periodu, te dovesti u stanje normalnog funkcioniranja bez posezanja za



prekovremenim radom u cilju održavanja funkcionalnosti i operativnosti policijskog organa na izvršenju redovitih poslova i zadataka iz nadležnosti policijskog organa, pa sa žaljenjem konstatujemo kako je trenutno stanje unutar Uprave policije MUP KS rezultat očigledne bezidejnosti i odsustva bilo kakve strategije razvoja Uprave policije MUP KS.

5. Institut posebnog unapređenja

Policijski komesar nije tokom 2022. godine, tokom provođenja procedure za unaprijeđenje policijskih službenika u činu stariji policajac, a koji je raspisan 03.10.2022. godine imao prijedloga za posebno unaprijeđenje koje je propisano članom 86. ZOPS KS, a nakon upita Komisije za unaprijeđenje, te isto vidimo kao njegovo diskreciono pravo, ali istovremeno smatramo kako takvo postupanje Policijskog komesara predstavlja nepotrebno „trošenje Komisije za unaprijeđenje“, posebno imajući u vidu da se radi o dugogodišnjim policijskim službenicima u početnom činu, te smatramo kako nema nikakve opravdanosti u situaciji nedostatka 811 policijskih službenika ne unaprijeđivati kroz ovaj institut policijskeslužbenike koji ispunjavaju sve uvjete za unaprijeđenje, a istovremeno se nepotrebno troše resursi i vrijeme Komisije za unaprijeđenje, koja se do okončanja tog postupka ne može posvetiti konkursima za unaprijeđenje policijskih službenika u drugim činovima.

6. Privremena postavljenja

Policijski komesar je prema ZOPS KS izvršio privremeno raspoređivanje 211 policijskih službenika na neposredno viši čin, a u svom odgovoru Nezavisnom odboru je naveo kako za privremeno raspoređivanje ne postoje propisani kriteriji, pa se nameće nedvosmislen zaključak kako se Policijski komesar prilikom donošenja takvih rješenja vodi diskrecionom ocjenom. Prije svega ističemo kako brojka od 211 policijskih službenika koji rade po rješenjima o privremenom raspoređivanju predstavlja ogroman broj, odnosno 16% od ukupnog ukupnog broja od 1311 policijskih službenika koji rade u Upravi policije MUP KS adi na radnim mjestima po privremenom rasporedu. Napominjemo kako je Odlukom o postupku unaprijeđenja od 20.07.2022. godine, obuhvaćeno 181 od 211 radnih mjesta na kojima rade policijski službenici po rješenju o privremenom raspoređivanju. S tim u vezi, smatramo kako je neophodno istaći stajalište ovog Nezavisnog odbora, a to je da Policijski komesar svjesno policijskim službenicima koji rade rješenjima o privremenom raspoređivanju usljed nepostojanja jasno propisanih kriterija za takva postavljenja, umišljajno stavlja u izgled da svakog trena mogu biti smijenjeni sa mjesta višeg čina, a koji sa sobom nosi i određene materijalne benefite, ta na taj način može bitno stvara poslušne kadrove koji su ovisni o njemu personalno, dok istovremeno policijskim službenicima koji rade na takvim pozicijama duže vrijeme stvara pretpostavke da prilikom raspisivanja konkursa za unaprijeđenje, za ta radna mjesta imaju bolje uslove od svih drugih kandidata budući da već imaju iskustvo u radu na tim radnim mjestima koje nije zanemarivo prilikom ocjenjivanja od strane Komisije, a sve zahvaljujući nepostojanju jasno propisanih kriterija za donošenje takvih rješenja. Istovremeno, u razmatranju svega izloženog u svezi sa privremenim raspoređivanjem, stječemo dojam kako interes Policijskog komesara nije redovito unaprijeđenje policijskih službenika što je njihovo pravo po odredbama člana 45. stav 1. tačka e) i člana 85. ZOPS KS , jer da jeste, mogao je tokom 2022. godine kroz Komisije za unaprijeđenje ukoliko se prilikom privremenih postavljenja vodio kriterijumom stručnosti, mogao je gotovo sve policijske službenike (osim pozicija 20 samostalnih inspektora) koji rade po rješenjima o privremenom rasporedu posebno unaprijediti u skladu sa članom 86. ZOPS KS.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

20/36

7. Glavni inspektori i zamjena policijskog komesara

Policijski komesar je tokom februara 2022. godine od nadležne organizacione jedinice zadužene za kadrovska pitanja zaprimio listu slobodnih radnih mjesta za sve činove za unaprijeđenje, ali je svojim rješenjem Komisiju za unaprijeđenje u čin glavni inspektor imenovao tek 5 mjeseci kasnije, odnosno dana 15.07.2022. godine, dok su Rješenja o imenovanju u Komisiju svim članovima uručena zaključno sa 05.09.2022. godine. Razmatrajući prethodno navedeno, stajališta smo kako je neprihvatljivo da je unutar Uprave policije MUP KS potrebno 50 dana da bi se policijskim službenicima, odnosno svojim uposlenicima i članovima Skupštinskih tijela uručilo Rješenje o imenovanju u Komisiju za unaprijeđenje, koji poslovi uzgred imaju prioritet u odnosu na sve druge obaveze člana Komisije, pa takve propuste ovaj Nezavisni odbor ocjenjuje kao zanemarivanje obaveza Policijskog komesara koje proističu iz odredbe člana 23. stav 1. i stav 3.tačka b) ZOUP KS, kojima se propisuje da je Policijski komesar rukovodilac Uprave policije, i da u mu je obaveza da nadgleda i usmjerava aktivnosti Uprave policije kojom rukovodi, dok u konkretnom slučaju očigledno nije nadgledao postupanje svojih potčinjenih, usmjeravao njihov rad, niti se interesirao da obezbjedi funkcionalnost policijskog organa, budući da je već u trenutku donošenja Rješenja o imenovanju komisije za unaprijeđenje bio svjestan da niti jedan policijski službenik Uprave policije MUP KS ne ispunjava uslove da ga zamijeni na poziciji Policijskog komesara u slučaju spriječenosti, što je i htio, odnosno Policijskom komesaru Nusretu Selimoviću je bilo poznato da od juna 2022. godine, niti jedan policijski službenik Uprave policije MUP KS ne ispunjava uslove da ga u skladu sa odredbom člana 24. ZOUP KS zamijeni na mjestu Policijskog komesara u slučaju privremene spriječenosti (godišnji odmor, bolovanje, službena odsustva i slično). Iz navedenog razloga, prema stajalištu Nezavisnog odbora, neblagovremenim postupanjem, odnosno neblagovremenim raspisivanjem konkursa za glavne inspektore, Policijski komesar je ugrozio funkcionalnost i operativnost Uprave policije MUP KS, te prekršio odredbe člana 23. stav 3. tačka b), e), k) ZOUP KS, a što je za posljedicu imalo da je Upravu policije MUP KS učinio ovisnom o sebi personalno, što ocjenjujemo kao nedopustivo u svakom, a posebice sistemu sigurnosti.

Nakon iznošenja stavova o radu Policijskog komesara tokom 2022. godine, te rasprave koja je nakon toga uslijedila od strane članova NO, Predsjedavajući NO je pozvao članove NO da glasaju o godišnjoj ocjeni rada Policijskog komesara.

- *Predsjedavajući NO je postavio pitanje članovima NO:*

Tko od prisutnih članova Nezavisnog odbora, godišnju ocjenu rada Policijskog komesara Nusreta Selimovića za 2022. godinu ocjenjuje sa „ZADOVOLJAVA“?

Nije bilo članova Nezavisnog odbora koji su glasali za ocjenu „ZADOVOLJAVA“.

- *Predsjedavajući NO je postavio pitanje članovima NO:*

Tko od prisutnih članova Nezavisnog odbora, godišnju ocjenu rada Policijskog komesara Nusreta Selimovića za 2022. godinu ocjenjuje sa „NE ZADOVOLJAVA“?

Sedam (7) članova Nezavisnog odbora su glasali za ocjenu „NE ZADOVOLJAVA“.

Predsjedavajući Nezavisnog odbora je konstatovao da je nakon glasanja, Policijski komesar Uprave policije MUP KS Nusret Selimović za 2022. godinu, jednoglasno od strane Nazavisnog odbora Skupštine KS ocjenjen sa ocjenom „NE ZADOVOLJAVA“.



Konstatuje se da će u skladu sa odredbom člana 34. stav 9. ZOUP KS, te člana 21. Poslovnika o radu Nezavisnog odbora biti sačinjen Prijedlog godišnje pismene ocjene rada Policijskog komesara, te da će se u skladu sa odredbom člana 34. stav 10. ZOUP KS sačiniti Zapisnik o glasanju članova Nezavisnog odbora, koji sadrži izjašnjenje svakog člana Nezavisnog odbora.

Predsjedavajući Nezavisnog odbora sjednicu zatvara 23.02.2023. godine u 20:04 sati, te se konstatuje, da će se sjednica nastaviti u ponedjeljak, 27.02.2023. godine, a radi sačinjavanja obrazloženja Prijedloga godišnje pismene ocjene rada Policijskog komesara, dok će se vrijeme održavanja sjednice utvrditi po usaglašavanju sa Sekretarom NO.

NASTAVAK 13. SJEDNICE NEZAVISNOG ODBORA 27.02.2023. GODINE

Konstatuje se da se na dan dana 27.02.2023. godine, održava nastavak 13. sjednice Nezavisnog odbora od 23.02.2023. godine, a koja Sjednica je trebala započeti u 16:30 sati, ali se sa radom započelo u 17:20 sati.

Nastavku 13. sjednice Nezavisnog odbora su prisutni:

Predsjedavajući: Adis Šečić

Članovi: Esad Solak, Mineta Hrvat, Jasmin Idrizović, Branislav Bunjevac, Mensud Cibra,

Konstatuje se da sjednici zbog bolesti ne prisustvuje član Nezavisnog odbora Kenan Kapo, koji je o nedolasku na sjednicu blagovremeno obavjestio Predsjedavajućeg.

Nakon što je konstatovano da na sjednici prisustvuje 6/7 članova Nezavisnog odbora, te da postoji kvorum za rad sukladno odredbi člana 7. stav 2. Poslovnika o radu Nezavisnog odbora, Predsjedavajući u skladu sa odredbom člana 6. stav 1. Poslovnika otvara sjednicu Nezavisnog odbora.

Na prijedlog Predsjedavajućeg Nezavisnog odbora Šečić Adisa, Nezavisni odbor je donio Zaključak da će na nastavku 13. sjednice na dan 27.02.2022. godine, Zapisnik temeljem odredbe člana 5. stav 11. Poslovnika o radu Nezavisnog odbora nastaviti voditi član Nezavisnog odbora Cibra Mensud, a tokom koje sjednice će se sačiniti i obrazloženje Prijedloga godišnje pismene ocjene rada Policijskog komesara za 2022. godinu.

Konstatuje se da je Sekretar Nezavisnog odbora Emir Nalbantić na nastavku 13. Sjednice Nezavisnog odbora na dan 27.02.2023. godine bio prisutan u Sali Skupštine KS broj 100/I u periodu od 16:30 do 17:10 sati, kada je od strane Predsjedavajućeg Nezavisnog odbora Šečić Adisa obavješten da je na 13. sjednici Nezavisnog odbora, dana 23.02.2023. godine Nezavisni odbor donio Prijedlog godišnje pismene ocjene rada Policijskog komesara.

Nastavak 13. sjednice Nezavisnog odbora završen dana 28.02.2023. godine u 01:30 sati.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-055, Fax:+ 387 (0) 33 562-210

Web: <http://skupstina.ks.gov.ba>

E-mail: skupstina@skupstina.ks.gov.ba

22/36

ČETRNAESTA SJEDNICA (30.03.2023. godine)

Četrnaesta sjednica Nezavisnog odbora održana je dana 30.03.2023. godine u prostorijama Skupštine Kantona Sarajevo i sjednici su prisustvovali svi članovi Nezavisnog odbora (na sjednicu su oko 10-15 minuta kasnili Esad Solak i Mensud Cibra). Predložen je dnevni red:

1. Usvajanje Zapisnika sa 13. sjednice Nezavisnog odbora;
2. Žalba Idrizović Mehmeda dostavljena aktom MUP KS broj: 02/5-1-04-9-1495 od 08.03.2023. godine;
3. Odluka Vlade KS o smjeni Policijskog komesara Selimović Nusreta broj: 02-04-6054-23.1/23 od 09.03.2023. godine;
4. Rješenje Vlade KS o imenovanju zamjenika Policijskog komesara u MUP KS broj: 02-04-6054-23.2/23 od 09.03.2023. godine;
5. Razno

Članovi Nezavisnog odbora su jednoglasno usvojili Dnevni red.

Nakon što je konstatovano da je na sjednici prisutno (5/7) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući u skladu sa odredbom člana 6. stav 1. Poslovnika otvara sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1

Stavlja se na glasanje prijedlog o usvajanju Zapisnika sa 13. sjednice Nezavisnog odbora, te se konstatuje da je Zapisnik sa 13. sjednice Nezavisnog odbora jednoglasno usvojen (5/5 ZA).

AD-2

Pred članovima Nezavisnog odbora našla se Žalba Idrizović Mehmeda dostavljena aktom MUP KS broj: 02/5-1-04-9-1495 od 08.03.2023. godine.

Nakon provedene diskusije, jednoglasno je zauzet zajednički stav da Žalbu treba primiti k znanju, i uputiti Ministarstvu unutrašnjih poslova na nadležno rješavanje radno pravnog statusa, a sukladno pozitivnim propisima. (6/6 članova ZA).

AD-3

Odluka Vlade KS o smjeni Policijskog komesara Selimović Nusreta broj: 02-04-6054-23.1/23 od 09.03.2023. godine je jednoglasno primljena k znanju.

U 16:45 sati na sastanak je pristupio Fatmir Hajdarević, zamjenik Policijskog komesara.

Predsjedavajući Nezavisnog odbora Adis Šečić se predstavio zamjeniku Policijskog komesara, a potom je predstavio i sve članove Nezavisnog odbora, nakon čega mu je u ime Nezavisnog odbora poželio mnogo uspjeha u budućem radu i rukovođenju Upravom policije MUP KS. Ovom prilikom ga je Predsjedavajući upoznao da je na ovu sjednicu odbora pozvan kako bi se upoznali, te da danas neće izlagati Izvještaje o radu Uprave policije MUP KS, a obzirom da je na navedenoj poziciji svega 20-ak dana, ali da je potrebno da ubuduće sve Izvještaje o svom radu dostavlja po Metodologiji koju je sačinio ovaj Nezavisni odbor tokom 2022. godine.



Također, član Nezavisnog odbora Kenan Kapo je pozdravio zamjenika Policijskog komesara, te ga nakon riječi dobrodošlice pozvao da se ukratko predstavi članovima Nezavisnog odbora, u smislu svog profesionalnog puta.

Poslije međusobnog upoznavanja gosp. Hajdarević je u svom kratkom uvodu iznio svoju radnu biografiju, počevši od 1993. godine kada je počeo raditi u SUP-u, 1998. godine, preko školovanja u Turskoj, a potom je iznio i pregled svog napredovanja kroz činove i po radnim dužnostima koje je obnašao u profesionalnoj policijskoj karijeri unutar Uprave policije MUP KS.

Tokom svog izlaganja, istakao je kako je odmah po preuzimanju Uprave policije, naložio da se poveća broj službenika policije na ulici, a posebno na većim raskrscima u vrijeme špice, kada policija reguliše saobraćaj u cilju njegovog ubrzanja. Navodi i kako je u proceduri konkurs za unapređenje u čin samostalni inspektor, kao i procedura za zapošljavanje 30 mlađih inspektora.

Ispred Nezavisnog odbora, član Esad Solak je postavio pitanje koje je delegirao na sjednici Skupštine Kantona Sarajevo zastupnik Mahir Dević, a tiče se organizacije rada Uprave policije u područnom odjeljenju policije u Srednjem.

Zamjenik policijskog komesara Fatmir Hajdarević je naveo kako je upoznat sa tim problemom, te očekuje njegovo rješavanje prioritarno, a isto vidi da će biti riješeno zapošljavanjem oko 200 policijskih službenika koji se nalaze na školovanju, i koji uskoro počinju sa radom. Ističe kako u ovom trenutku u MUP KS nedostaje 800 policijskih službenika, dok će za 5 godina biti veliki problem u zapošljavanju policijskih službenika. Naime, još ne postoje tačni podatci koliki broj policajaca će ići u penziju do 2026. godine zbog činjenice mogućnosti upisivanja ratnog staža, i još uvijek niko ne zna kada će se neko od policijskih službenika iz privatnih razloga odlučiti da upiše ratni staž, i ode u penziju, prije nego je to policijski organ izračunao. Očekuje da se kontinuiranim zapošljavanjem u MUP KS, kroz strategijski pristup može riješiti problem nedostatka policijskih službenika. S tim u vezi, smatra kako je veoma važno da se svake godine primi u radni odnos bar po 25 policijskih službenika. Na kraju gosp. Hajdarević je istakao da bivši Policijski komesar Nusret Selimović trenutno koristi godišnji odmor do 20.04.2023. godine, a da će sa 21.04.2023. godine biti doneseno rješenje o njegovom penzionisanju. Na kraju svog izlaganja, zamjenik Policijskog komesara je zamolio članove Nezavisnog odbora za pomoć i podršku u radu .

AD-4

Rješenje Vlade KS o imenovanju zamjenika Policijskog komesara u MUP KS broj: 02-04-6054-23.2/23 od 09.03.2023. godine Nezavisni odbor je primio k znanju.

AD-5

U okviru ove tačke dnevnog reda primljena je k znanju Odluka Vlade Kantona Sarajevo o godišnjoj ocjeni policijskog komesara za 2022. godinu, i to da je Vlada KS prihvatila prijedlog Nezavisnog odbora, te za 2022. godinu Policijskog komesara Selimović Nusreta dala ocjenu NEZADOVOLJAVA.

AD-5.1.

U međuvremenu između sazivanja sjednice i njenog održavanja od strane Uprave policije dostavljena je Informacija o radu MUP-a Kantona Sarajevo za februar 2023. godine.

AD-5.2.

Donesen je Zaključak kako je obaveza Zamjenika policijskog komesara pripremanje tromjesečnog izvještaja o radu za period januar –mart 2023. godine te je zaključeno da Predsjednik Nezavisnog odbora Adis Šečić bude u kontaktu sa Zamjenikom policijskog komesara: Sukladno Zaključku, za



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-055, Fax:+ 387 (0) 33 562-210

Web: <http://skupstina.ks.gov.ba>

E-mail: skupstina@skupstina.ks.gov.ba

24/36

period 01.01.-09.03.2023. godine (period kada je na čelu Uprave policije bio Policijski komesar Nusret Selimović) Zamjenik Policijskog komesara je u obavezi da dostavi raspoloživi izvještaj koji će sačiniti uposlenici koji su a tim poslovima radili u uredu Policijskog komesara Selimović Nusreta, dok svoj izvještaj o radu dostavlja za period 09.03. do 31.03.2023. godine.

AD-5.3.

Na sjednici je provedena rasprava, o obavezi Nezavisnog odbora da pripremiti šestomjesečni izvještaj o radu Nezavisnog odbora.

Na osnovu člana 34. stav 4 ZOUP KS, koji propisuje da Nezavisni odbor sačinjava izvještaj o svom radu svakih šest mjeseci i dostavlja ga Skupštini Kantona na razmatranje, jednoglasno je usvojen Zaključak da se do naredne sjednice pripremi šestomjesečni Izvještaj o radu Nezavisnog odbora, i to za period 01.07-31.12.2022. godine. Ovo iz razloga kako bi se obezbjedio kontinuitet izvještavanja Skupštine Kantona Sarajevo, a obzirom na datum imenovanja ovog Nezavisnog odbora, dok će naredni Izvještaj o radu Nezavisnog odbora obuhvatati period od 01.01.-31.06.2023. godine, a kako bi kroz ovakvo izvještavanje pokrivali kalendarsku godinu sa dva Izvještaja.

Za sačinjavanje Izvještaja o radu Nezavisnog odbora zaduženi su Kenan Kapo i Adis Šečić.

AD-5.4.

Član Nezavisnog odbora Kenan Kapo postavio je pitanje članovima vezano za Konkurs za izbor policijskog komesara, a na temelju odredbi članova 36. i 37. ZOUP KS, kojima se propisuje:

Član 36

(Postupak izbora kandidata)

- (1) Izbor policijskog komesara vrši se javnim konkursom.
- (2) Postupak odabira novog policijskog komesara mora započeti najkasnije tri mjeseca prije isteka mandata policijskog komesara odnosno odmah, a najkasnije tri mjeseca nakon pravosnažnosti odluke o smjeni ili od pravosnažnosti odluke o izrečenoj disciplinskoj sankciji (prestanak radnog odnosa).
- (3) Nezavisni odbor donosi odluku o pokretanju postupka odabira i raspisivanja konkursa.
- (4) Princip transparentnosti i zakonitosti se primjenjuju tokom postupka izbora i imenovanja.

Član 37

(Objavljivanje konkursa za radno mjesto policijskog komesara)

- (1) Konkurs za radno mjesto policijskog komesara objavljuje se u "Službenim novinama Federacije BiH" i u najmanje dva dnevna lista koja se distribuiraju na cijelom teritoriju Bosne i Hercegovine.
- (2) Rok za podnošenje prijave je petnaest dana od dana zadnjeg objavljivanja.
- (3) Konkurs sadrži:
 - a) opis poslova radnog mjesta policijskog komesara;
 - b) uslove iz člana 35. ovog Zakona;
 - c) spisak potrebnih dokumenata;
 - d) rok za podnošenje prijave i mjesto podnošenja;
 - e) druge činjenice relevantne za provođenje konkursne procedure.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

25/36

Sukladno odredbi člana 36. stav 2. ZOUP KS, član Nezavisnog odbora Kenan Kapo je zatražio da se odmah započne sa pripremama za raspisivanje konkursa za izbor Policijskog komesara, te da se na sljedećoj sjednici Nezavisnog odbora pripremi tekst konkursa, koji bi se potom objavio u sredstvima javnog informisanja.

S tim u vezi, Nezavisni odbor je obavezao članicu Minetu Hrvat da pripremi nacrt teksta konkursa, te da isti dostavi članovima Nezavisnog odbora prije održavanja naredne sjednice Nezavisnog odbora, za koju je planirano da se održi u periodu 24. do 27.04.2023. godine.

Sjednica Nezavisnog odbora završena u 18:21 sati.

PETNAESTA SJEDNICA (27.04.2023. godine)

Petnaesta sjednica Nezavisnog odbora održana je dana 27.04.2023. godine u prostorijama Skupštine Kantona Sarajevo i sjednici su prisustvovali svi članovi Nezavisnog odbora osim Esada Solaka koji je najavio svoje odsustvo usljed bolesti. Predložen je dnevni red:

1. Usvajanje Zapisnika sa 14. sjednice Nezavisnog odbora;
2. Informacija o aktivnostima Uprave policije MUP KS za mart 2023. godine;
3. Izvještaj Nezavisnog odbora o radu Policijskog komesara Uprave policije MUP KS za period april-juni 2022. godine (za Skupštinu KS);
4. Izvještaj Nezavisnog odbora o radu Policijskog komesara Uprave policije MUP KS za period juli-septembar 2022. godine (za Skupštinu KS);
5. Izvještaj o radu Nezavisnog odbora za period juli-decembar 2022. godine (za Skupštinu KS);
6. Dopis Nezavisnog odbora Parlamentarne skupštine BiH broj: 05/1-50-15-26-23-7/23 od 12.04.2023. godine sa prilogom predstavke Amele Šišić broj: 05/1-50-17-821/23 od 06.04.2023. godine;
7. Informacija o aktivnostima Uprave policije MUP KS januar-mart 2023. godine (Adis Šečić-dopuna Dnevnog reda);
8. Izvještaj o radu Policijskog komesara januar-mart 2023. godine (Adis Šečić-dopuna Dnevnog reda);
9. Konkurs za izbor Policijskog komesara MUP KS (Kenan Kapo-dopuna Dnevnog reda);
10. Razno.

Članovi Nezavisnog odbora su jednoglasno usvojili Dnevni red.

Nakon što je konstatovano da je na sjednici prisutno (6/7) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući u skladu sa odredbom člana 6. stav 1. Poslovnika otvara sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1

Stavlja se na glasanje prijedlog o usvajanju Zapisnika sa 15. sjednice Nezavisnog odbora, te se konstatuje da je Zapisnik sa 15. sjednice Nezavisnog odbora jednoglasno usvojen (6/6 ZA).

AD-2



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

26/36

U 16:45 sati na sastanak je pristupio Fatmir Hajdarević, zamjenik Policijskog komesara.

Zamjenik Policijskog komesara Fatmir Hajdarević u okviru ove tačke Dnevnog reda vrlo kratko obrazložio aktivnostima Uprave policije MUP KS za mart 2023. godine.

Između ostalog je istakao da je u ovom mjesecu UP pronašla i privremeno oduzela 3,4 kg opojne droge spid i automatsku pušku, te ističe da je došlo do smanjenja broja krivičnih djela.

Predsjedavajući Nezavisnog odbora iznio je određene tehničke sugestije na sam Izvještaj koje se nalaze na stranicama 20. i 21.

Na kraju Informacija o aktivnostima Uprave policije MUP KS za mart 2023. godine je primljena k znanju.

AD-7 Informacija o aktivnostima Uprave policije MUP KS januar-mart 2023. godine

Član Nezavisnog odbora Kenan Kapo je istakao da je zamjenik Policijskog komesara Fatmir Hajdarević stupio na dužnost dana 09.03.2023. godine, te može obrazložiti ovu informaciju tek od datuma stupanja na dužnost.

Kako nije bilo prijavljenih diskutanata Nezavisni odbor je ovu Informaciju primio k znanju.

AD-8 Izvještaj o radu Policijskog komesara januar-mart 2023. godine

Nakon otvaranja rasprave, član Nezavisnog odbora Kenan Kapo je pitao zamjenika policijskog komesara Fatmira Hajdarevića, u kojoj fazi je proces činovanja u Upravi policije MUP Kantona Sarajevo, i zbog čega nije utrošeno 20 miliona KM za nabavku materijalno tehničkih sredstava?

Zamjenik komesara F. Hajdarević je rekao da očekuje u maju testiranje za činovanje policijskih službenika, i to u dva termina kako bi se oslobodilo mjesto za prijem 250 novih policijskih službenika. Isto tako pokreće se postupak za eksterni prijem 30 mladih inspektora.

Zamjenik komesara se osvrnuo i na krađe vozila, ističući da većina ukradenih vozila bude pronađena pokraj puta (tzv posuđena krađa).

Predsjedavajući Adis Šečić je iznio konstataciju da je iz Izvještaja vidljivo, kako je evidentiran povećan broj izdanih prekršajnih naloga, što samo po sebi ne znači da je došlo do povećanja broja počinjenih prekršaja, nego je moguće i da policija radi efikasnije, sa čime se složio i zamjenik policijskog komesara, uz navod da je stavljen akcenat na rad i po navedenoj problematici.

Nakon izlaganja i iznesenih komentara, Izvještaj o radu Policijskog komesara za period januar-mart 2023. godine je primljen k znanju.

Nakon formalnog dijela i izlaganja, Zamjenik policijskog komesara Fatmir Hajdarević obavjestio je članove Nezavisnog odbora da je MUP Kantona Sarajevo stavljen na „crnu listu“ State departmenta USA tokom 2019. godine, i to nakon Izvještaja Evropskog komiteta za sprečavanje mučenja, nečovječnog i ponižavajućeg postupanja i kažnjavanja (CPT), a iz razloga jer je identifikovana tortura, nečovječno i ponižavajuće postupanje policijskih službenika MUP KS prema osumnjičenim osobama, s naglaskom na predmet ubistva sarajevskih policajaca, a kroz Izvještaj (CPT) su date preporuke za otklanjanje uočenih nepravilnosti u postupanju.

Zamjenik policijskog komesara Fatmir Hajdarević također navodi, da kako se bliži obilježavanje događaja iz “Dobrovoljačke ulice” iz 1992. Godine, tako se očekuje povećan broj prisutnih, pa zbog toga MUP Kantona Sarajevo će obezbjediti dodatne snage kako bi se izbjegli mogući incidenti.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-055, Fax:+ 387 (0) 33 562-210

Web: <http://skupstina.ks.gov.ba>

E-mail: skupstina@skupstina.ks.gov.ba

27/36

Zamjenik komesara očekuje da bi ove sedmice trebalo da se uputi prema Vladi F BiH Uredba o jedinstvenoj policijskoj uniformi.

Na samom kraju svog izlaganja, Zamjenik policijskog komesara dotakao se pitanja penzionisanja bivšeg policijskog komesara Nusreta Selimovića, te naveo da je doneseno Rješenje o njegovom penzionisanju, na koje je pri kraju žalbenog roka uložio žalbu, te je po žalbi predmet upućen na rješavanje.

Gosp. Jasmin Idrizović se osvrnuo na informaciju o stavljanju na "crnu listu" "MUP Kantona Sarajevo, istakavši da ista dolazi do Nezavisnog odbora 4 godine poslije, mada je bivši komesar to znao i nije istu podjelio sa Nezavisnim odborom. Istovremeno, pohvalo je vidljiv rad i prisutnost policije na ulici dolaskom na dužnost zamjenika komesara.

Gosp. Branislav Bunjevac pohvalio je rad policije primjerom kojeg je vidio da policijski službenici pomažu pješacima u prelasku ulice.

Gosp. Kenan Kapo je ustvrdio da je odjeljenje za edukaciju policijskih službenika dosta zapostavljeno te treba nešto uraditi na boljoj edukaciji istih.

AD-3 i AD 4.

O ovim tačkama Dnevnog reda je raspravljano na predhodnim sjednicama te se skidaju sa Dnevnog reda.

AD-5

Izveštaj o radu Nezavisnog odbora za period juli-decembar 2022. godine je jednoglasno usvojen (6/6 ZA) i upućen u dalju proceduru.

AD-6

Dopis Nezavisnog odbora Parlamentarne skupštine BiH broj: 05/1-50-15-26-23-7/23 od 12.04.2023. godine sa prilogom predstavke Amele Šišić broj: 05/1-50-17-821/23 od 06.04.2023. godine je razmatrao Nezavisni odbor, te je donio Zaključak da se na osnovu člana 7. st. 6 Poslovnika o radu, zaprimljeni dopis sa prilogom predstavke uputi Upravi policije na nadležno postupanje, uz uputu da se Nezavisni odbor obavjesti o poduzetim mjerama.

AD-9

Prijedlog konkursa za izbor Policijskog komesara pripremila je članica Nezavisnog odbora Minela Hrvat. Tekst prijedloga je detaljno pregledan na ovoj sjednici, te su ispravljani i dopunjeni određeni dijelovi teksta Konkursa. Na kraju Nezavisni odbor je jednoglasno prihvatio tekst konkursa, te je odlučeno da se konačni tekst uputi Služi za skupštinske poslove kako bi se pokrenula objava u sredstvima dnevnog informisanja, službenoj web stranici Skupštine KS, te Službenim novinama F BiH.

AD-10.1

U skladu sa članom 7. st. 6. Poslovnika o radu, Nezavisni odbor će Izveštaj o radu Policijskog komesara za period oktobar-decembar 2022 dostaviti Skupštini Kantona uz popratni akt o ocjeni rada Policijskog komesara za navedeni period.

Za realizaciju ove tačke zaduženi: Adis Šečić i Jasmin Idrizović



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

28/36

AD-10.2

Nezavisni odbor je uputio Upravi policije MUP KS dana 28.06.2022. godine novousvojenu metodologiju izrade izvještaja o radu, međutim sve do danas, ista nije u potpunosti implementirana, odnosno, dostavljeni Izvještaji nisu sadržavali sve elemente propoisane metodologijom. S tim u vezi, zadužuje se Mineta Hrvat da sačini dopis prema Upravi policije, Zamjeniku policijskog komesara MUP KS, a kojim će se tražiti dosljedno poštivanje metodologije koju je usvojio Nezavisni odbor, i dostavljanje svih traženih podataka istom.

AD-10.3

Članovi Nezavisnog odbora su donijeli jednoglasan Zaključak kako nisu zadovoljni sa radom sekretara Nezavisnog odbora Nalbantić Emira, a prije svega kvalitetom Zapisnika sa sjednica Nezavisnog odbora. Predsjedavajući je istakao kako je i u prethodnom periodu skretao pažnju Sekretaru, da se Zapisnici koje sačinjava ne vode tačno i precizno i da ne sadrže sve elemente, kao niti sadržaj provedenih diskusija članova Nezavisnog odbora, da se u Zapisnicima ne poziva na zakonske odredbe koji se odnose na predmetna izlaganja, i da Zapisnici ne sadrže precizan sadržaj izlaganja Policijskog komesara prilikom izlaganja na sjednicama Nezavisnog odbora, a što su podržali svi članovi odbora.

Sekretar je istakao kako nije u mogućnosti pohvatati kompletan sadržaj diskusija, a kako nema uređaja za snimanje jer je Skupština raskinula ugovor sa firmom koja im je iznajmljivala opremu za snimanje, a na konstataciju Predsjedavajućeg da to Sekretar nije prije nikada spomenuo, te da postoji mogućnost da Predsjedavajući na telefon snimi kompletan sadržaj Sjednica, i dostavi ga Sekretaru radi sačinjavanja Zapisnika, Sekretar iznosi tvrdnju kako telefonom nije moguće kvalitetno snimiti tok Sjednice, te napušta sjednicu i prije nego je ista zaključena od strane Predsjedavajućeg.

Sjednica Nezavisnog odbora završena u 18:21 sati.

ŠESNAESTA SJEDNICA (25.05.2023. godine)

Šesnaesta sjednica Nezavisnog odbora održana je dana 25.05.2023. godine u prostorijama Skupštine Kantona Sarajevo i sjednici su prisustvovali svi članovi Nezavisnog odbora osim Mensuda Cibre koji nije prisustvovao sjednici. Članica NO Mineta Hrvat je kasnila 15 minuta. Predložen je dnevni red:

1. Usvajanje Zapisnika sa 15. sjednice Nezavisnog odbora;
2. Informacija o aktivnostima Uprave policije MUP KS za april 2023. godine;
3. Razno.

Članovi Nezavisnog odbora su jednoglasno usvojili Dnevni red.

Nakon što je konstatovano da je na sjednici prisutno (5/7) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući u skladu sa odredbom člana 6. stav 1. Poslovnika otvara sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1

Stavlja se na glasanje prijedlog o usvajanju Zapisnika sa 15. sjednice Nezavisnog odbora, te se konstatuje da je Zapisnik sa 15. sjednice Nezavisnog odbora jednoglasno usvojen (5/5 ZA).



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

29/36

U 16:45 sati na sastanak je pristupio Fatmir Hajdarević, zamjenik Policijskog komesara.

Zamjenik policijskog komesara Fatmir Hajdarević u okviru ove tačke Dnevnog reda vrlo kratko obrazložio aktivnostima Uprave policije MUP KS za april 2023. godine.

Član Nezavisnog odbora Jasmin Idrizović je istakao da je vidljivo povećanje aktivnosti kriminalističke policije, kao i cijele policije dolaskom na čelo Uprave policije zamjenika komesara Fatmira Hajdarevića.

Na postavljeno pitanje članice Nezavisnog odbora Minete Hrvat u vezi žalbe bivšeg policijskog komesara zamjenik policijskog komesara je odgovorio da je isti zvanično u penziji.

Gospođa Mineta Hrvat je postavila pitanje ko su članovi Policijskog odbora i da li je neko od njih u sukobu interesa. Zamjenik policijskog odbora je odgovorio ko su članovi Policijskog odbora, a Almir Pašić je, kao načelnik Jedinice za profesionalne standardem, u sukobu interesa, Također je naveo da on ne može izvršiti premještaj Almira Pašića jer je već dva puta premješten u toku godine.

Nezavisni odbor je jednoglasno donio sljedeći **ZAKLJUČAK**

- Nezavisni odbor zadužuje zamjenika policijskog komesara Ministarstva unutrašnjih poslova KS Fatmira Hajdarevića da Vladi Kantona Sarajevo dostavi informaciju o mogućem sukobu interesa članova Policijskog odbora iz reda policijskih službenika i reda građana.

Prednje iz razloga što u trenutnom sastavu Policijskog odbora Almir Pašić učestvuje u odlučivanju, odnosno donošenju odluka i u prvom i u drugom stepenu, čime se krši načelo dvostepenosti i objektivnosti Zakona o upravnom postupku u F BiH, te vrši povreda drugih pozitivnih propisa. Osim toga član Policijskog odbora Emir Jesenković imenovan je u odbor kao predstavnik iz reda građana. U međuvremenu, a nakon imenovanja u ovaj odbor, imenovani je zasnovao radni odnos u Ministarstvu unutrašnjih poslova Kantona Sarajevo, a kojim činom je imenovani u Odboru, prestao zastupati interese građana, što je suprotno odredbi člana 17., stav (1) Zakona o policijskim službenicima Kantona Sarajevo ("Službene Novine Kantona Sarajevo", br. 26/19), te Javnom konkursu br. 02-05 -3 647 9 - 19.2/19 od 10.10.2019. godine, objavljenom u dnevnom listu Oslobođenje 17.10.2019. godine, a 23.10.2019. godine u "Službenim novinama Federacije BiH", broj 78/19 - Oglasni dio, po kojem je i imenovan u ovaj Odbor.

Predsjedavajući Nezavisnog odbora Adis Šečić je sugerisao zamjeniku policijskog komesara da navede u informaciji razlog zbog čega ne može pokrenuti premještaj Almira Pašića.

Član Nezavisnog odbora Kenan Kapo je mišljenja da postoje elementi krivičnog djela jer Almir Pašić prima naknadu u Policijskom odboru, a u sukobu interesa je.

Gosp. Jasmin Idrizović je istakao da je važno reagovati kako bi se zaustavile moguće pravne posljedice.

Gospođa Mineta Hrvat je postavila pitanje zamjeniku policijskog komesara u vezi metodologije izrade Informacije o aktivnostima Uprave policije. Gosp. Hajradević je odgovorio da je zahtjev Nezavisnog odbora i da je isti proslijedio nadležnim na postupanje i prati se realizacija.



Predsjedavajući Nezavisnog odbora Adis Šečić je naveo da će Nezavisni odbor napraviti radno-konsultativni sastanak sa policijskim komesarom u vezi metodologije informisanja.

Nezavisni odbor je jednoglasno donio sljedeći **ZAKLJUČAK**

- Nezavisni odbor će tretirati informacije o aktivnostima Uprave policije MUP-a KS u skladu sa svim traženim parametrima i ukoliko ne budu u informaciji odgovori po nekim od traženih parametara tretirat će da nisu dobili odgovor i isto će stajati u izvještaju koji se podnosi Skupštini.

Član Nezavisnog odbora Esad Solak je postavio pitanje da li je tužilaštvu ili tužilaštvima prosljeđeno na odluku putem administrativnog djelovodnika ukupno 151 obavijest. Zamjenik policijskog komesara je odgovorio da su obavijesti prosljeđene nadležnom tužilaštvu.

Također, gospodin Solak je imao pitanje u vezi navoda u fusnoti Informacije na stanici 3. Zanimalo ga je da li je tužilac za neko od 151 navedenih djela donio odluku da se provodi, odnosno ne provodi istraga i ukoliko kaže da je krivično djelo gdje se registruje. Gosp. Hajdarević je odgovorio da od tužioca dobiju odgovor da li ima obilježja krivičnog djela ili se djelo pretvori u prekršaj.

U nastavku gosp. Esad Solak je tražio obrazloženje podataka navedenih u tabeli (stranica 5)- Pregled registrovanih događaja sa obilježjem krivičnog djela po članovima Krivičnog zakona FBiH sa područja Kantona Sarajevo u mjesecu aprilu 2023.godine. Zamjenik policijskog komesara je naveo kada se formira krivično djelo mora proći kroz upisnik i evidentira se tek kada tužilac kaže da je krivično djelo.

Na pitanje gosp Solaka da li je zadovoljan sa izuzetom količinom opojnih sredstava i da li se KDZ kod prijave da je postavljena eksplozivna naprava može uraditi za 3 sata gosp Hajdarević je odgovorio da nije zadovoljan sa količinom izutetih opojnih sredstava. Što se tiče KDZ pregleda je naveo da je imao sastanak sa predstavnicima Tužilaštva, OSA-e, dva suda i sudskom policijom i predložio je da se uspostavi kontrola prilikom ulaza u zgrade sudova, odnosno da se stave rengen i skener za prtljag i onda ne bi bilo potrebe za KDZ pregledom. Međutim Sudska policija nije prihvatila prijedlog.

U nastavku o KDZ pregledu uključili su se Adis Šečić i Branislav Bunjevac.

Član Nezavisnog odbora Esad Solak je mišljenja da se u Informaciji trebalo navesti iz kojih oblasti je edukacija 50 policijskih službenika. Također je sugerisao da se uradi nova metodologija izvještavanja što se tiče saobraćajnih nezgoda. Smatra da bi bilo korisno da se navede koliko je bilo početnika u vožnji koji su učestvovali u saobraćajnim nezgodama, kako bi se nadležnom ministarstvu u čijoj nadležnosti je obuka za vozače sugerisalo da unaprijede obuku. Također, sugerisao je gosp. Hajdareviću da od službenika koji rade Informaciju traži da vode računa o administrativnim greškama.

Član Nezavisnog odbora Branislav Bunjevac smatra da bi u informacijama trebalo rasporediti saobraćajne nezgode po uzrocima. Postavio je pitanje zašto je u svim općinama smanjen broj prekršaja po osnovu javnog reda i mira, a u Općini Centar povećan. Gosp. Hajdarević je odgovorio da je povećan rad policije. Većina prekršaja je uočena od strane policije. Trenutno rade akciju "Džep" kako bi se smanjilo prosjačenje i džeparenje.

Na kraju Informacija o aktivnostima Uprave policije MUP KS za april 2023. godine je primljena k



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

31/36

AD-3

Predsjedavajući Nezavisnog odbora Adis Šečić je predložio, a članovi jednoglasno podržali, da se sljedeća sjednica Nezavisnog odbora održi u četvrtak, 01.06.2023.godine sa početkom u 16,30 sati. Na sjednici će se otvoriti pristigle prijave na Javni konkurs za izbor policijskog komesara MUP-a KS i utvrditi dinamika provođenja konkursne procedure.

Član Nezavisnog odbora je predložio da se razmotri mogućnost da se za članove Nezavisnog odbora pokrene procedura sigurnosne provjere kako bi dobili dozvolu pristupu informacijama većeg stepena od INTERNO.

Predsjedavajući Nezavisnog odbora je odgovorio da u Zakonu o zaštiti tajnih podataka nije regulisano da članovi Nezavisnog odbora mogu dobiti dozvolu za pristup tajnim podacima.

Član Nezavisnog odbora Jasmin Idrizović je sugerisao da se razmisli o tome i da se sagleda sa svih aspekata kako bi se mogla tražiti rješenja. Potrebno je provesti analizu Zakona u kontekstu dolaska članova Nezavisnog odbora u posjed informacije sa oznakom tajnosti većeg stepena od INTERNO vršeći poslove iz nadležnosti Nezavisnog odbora.

Sjednica Nezavisnog odbora završena u 18:05 sati.

SEDAMNAESTA SJEDNICA (01.06.2023. godine)

Sedamnaesta sjednica Nezavisnog odbora održana je dana 01.06.2023. godine u prostorijama Skupštine Kantona Sarajevo i sjednici su prisustvovali svi članovi Nezavisnog odbora. Predložen je dnevni red:

1. Razmatranje pristiglih prijava na Javni konkurs za izbor policijskog komesara MUP-a KS;
2. Razno.

Članovi Nezavisnog odbora su jednoglasno usvojili Dnevni red.

Nakon što je konstatovano da je na sjednici prisutno (7/7) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući u skladu sa odredbom člana 6. stav 1. Poslovnika otvara sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1

Predsjedavajući Nezavisnog odbora Adis Šečić je članove upoznao da je Javni konkurs za izbor policijskog komesara MUP-a Kantona Sarajevo objavljen 11.05.2023.godine u dnevnim listovima „Oslobođenje“ i „Dnevni avaz“, a u „Službenim novinama Federacije BiH“ objavljen je 12.05.2023.godine. Rok za podnošenje prijava je istekao 27.05.2023.godine. U nastavku je obrazložio postupak izbora policijskog komesara, kao i rokove do kojih Nezavisni odbor treba završiti proceduru izbora policijskog komesara i dostaviti obrazložen prijedlog Vladi Kantona Sarajevo posredstvom ministra unutrašnjih poslova. Rok za dostavu obrazloženog prijedloga sa najmanje dva kandidata zajedno sa dokumentacijom je 12.06.2023.godine do 16,00 sati.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

32/36

Nakon što je konstatovano da su zaprimljene dvije prijave na dan 25.05.2023.godine pristupilo se otvaranju prijava i to:

1. Almedin Bahtanović, prijava broj:01-04-19558-1/23 i
2. Fatmir Hajdarević, prijava broj:01-04-19558-2/23.

Nakon pregleda i analize dostavljene dokumentacije utvrđeno je da oba kandidata ispunjavaju uslove konkursa i da su dostavili traženu dokumentaciju.

Nezavisni odbor je donio zaključak da se od Ministarstva unutrašnjih poslova Kantona Sarajevo u pisanoj formi traži podatke o činjenicama iz kaznene evidencije i od Općinskog suda u Sarajevu uvjerenje da li se vodi krivični postupak za oba kandidata.

Članovi Nezavisnog odbora su se složili da se pošalje poziv kandidatima za intervju u petak 09.06.2023.godine. Od kandidata se traži da sa sobom ponesu ljekatsko uvjerenje, ako i eventualne dokaze o stručnom usavršavanju i ostale kvalifikacije koje odgovaraju potrebama radnog mjesta, u skladu sa članom 39. stav 2. tačke a) i d) Zakona o unutrašnjim poslovima Kantona Sarajevo.

AD-2

Članovi Nezavisnog odbora su putem viber grupe obavili konsultacije u vezi anonimne prijave i jednoglasno se složili da se ista uputi zamjeniku policijskog komesara Fatmiru Hajdareviću da se izjasni o navodima u predstavi.

Sjednica Nezavisnog odbora završena u 18:40 sati.

OSAMNAESTA SJEDNICA (09.06.2023. godine)

Osamnaesta sjednica Nezavisnog odbora održana je dana 09.06.2023. godine u prostorijama Skupštine Kantona Sarajevo i sjednici su prisustvovali svi članovi Nezavisnog odbora, osim člana NO Minete Hrvat koja je kasnila 15 minuta. Predložen je dnevni red:

1. Usvajanje Zapisnika sa 16. sjednice Nezavisnog odbora;
2. Usvajanje Zapisnika sa 17. sjednice Nezavisnog odbora;
3. Intervju sa kandidatima za policijskog komesara MUP-a KS;
4. Razno.

Članovi Nezavisnog odbora su jednoglasno usvojili Dnevni red.

Nakon što je konstatovano da je na sjednici prisutno (6/7) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući u skladu sa odredbom člana 6. stav 1. Poslovnika otvara sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1

Stavlja se na glasanje prijedlog o usvajanju Zapisnika sa 16. sjednice Nezavisnog odbora, te se konstatuje da je Zapisnik sa 16. sjednice Nezavisnog odbora jednoglasno usvojen (6/7 ZA).



AD-2

Stavlja se na glasanje prijedlog o usvajanju Zapisnika sa 17. sjednice Nezavisnog odbora, te se konstatuje da je Zapisnik sa 17. sjednice Nezavisnog odbora jednoglasno usvojen (6/7 ZA).

AD-3

U skladu sa članom 38. stav 1 tačka (d) Zakona o unutrašnjim poslovima Kantona Sarajevo Nezavisni odbor će, na današnjoj sjednici, obaviti razgovor sa kandidatima za policijskog komesara Ministarstva unutrašnjih poslova Kantona Sarajevo.

Članovi Nezavisnog odbora su se dogovorili da će predsjedavajući Adis Šečić postavljati pitanja koja su mu dostavili na sjednici.

U nastavku sjednice predsjedavajući Nezavisnog odbora je predložio sljedeću dinamiku intervjua: kandidati će se predstaviti, ukratko će prezentirati svoj plan i program rada za vrijeme trajanja mandata, zatim će predsjedavajući postaviti 7 (sedam) pitanja koja su ista za oba kandidata i na kraju ako bude potrebe članovi Nezavisnog odbora mogu postaviti dodatna pitanja..

Razgovor sa prvim kandidatom Bahtanović Almedinom počeo je u 17,00 sati.

Nakon predstavljanja, prezentiranja Plana i programa i odgovora na postavljena pitanja član Kenan Kapo je postavio dodatna pitanja.

Kandidat je dostavio ljekarsko uvjerenje i dokaze o stručnom usavršavanju i to: Trst- Forenzičko poboljšanje slike i videa 26.-29.11.2019.godine, ILEA Budimpešta-Kurs trgovinom ljudima-10.-14.04.2017.godine i Policijska akademija u Egiptu- Borba protiv dilanja narkotika- 26.04.-24.05.2009.godine)

U 17,30 sati počeo je intervju sa kandidatom Hajdarević Fatmirom.

Kao i prethodni kandidat Fatmir Hajdarević se predstavio, ukratko prezentirao svoj Plan i program i odgovorio na sedam postavljenih pitanja. Član Nezavisnog odbora Kenan Kapo je postavio dodatna pitanja.

Kandidat je dostavio ljekarsko uvjerenje i dokaze o stručnom usavršavanju (Policijska akademija FMUP-Uvjerenje broj;02/2-5-418/03 od 23.07.2003.godine, REC- Certifikat- 29.-30.09.2021.godine, Certifikat- Ilegalne imigracije-23.-24.01.2001.godine, Trening-Certifikat 21.-30.09.2015.godine, Tečaj-Istrage nakon eksplozije od 06.-24.10.2008.godine, Obuka za borbu protiv međunarodnog terorizma i organizovanog kriminala- 23.-28.01.2006.godine, Tečaj protiv krađe automobila- 16.04.2008.godine, Kurs Ujedinjenih nacija za obuku pasa, Trening- Vitalna zaštita instalacija 04.02.-01.03.1998.godine, Ministarstvo pravde USA- Neadekvatna upotreba sile- 21.-23.03.2017.godine, Ministarstvo pravde USA-Trening programa ICITAP- Novembar 2016.godine, Certifikat-Identifikacija otisaka prsta i istraga mjesta zločina-07.05.-01.06.2001.godine.

Članovi Nezavisnog odbora su iznijeli svoje utiske o oba kandidata.

Pristupljeno je tajnom glasanju. Nakon što je otvorena glasačka kutija, prebrojane su ocjene za oba kandidata i nakon brojanja konstatovano je da je Fatmir Hajdarević osvojio 32 boda, a Almedin Bahtanović 17 bodova.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

34/36

Nezavisni odbor je obavio glasanje o Prijedlogu liste kandidata i to:
Fatmir Hajdarević
Almedin Bahtanović.

Svi članovi Nezavisnog odbora su jednoglasno podržali (7/7 -ZA) Predloženu listu.

Odlučeno je da se, u skladu sa članom 40. Zakona o unutrašnjim poslovima KS i članom 17. Poslovnika o radu Nezavisnog odbora, obrazloženi Prijedlog liste kandidata za policijskog komesara Ministarstva unutrašnjih poslova Kantona Sarajevo zajedno sa dokumentacijom koju su kandidati priložili prilikom prijave na Javni konkurs dostavi Vladi Kantona Sarajevo posredstvom ministra unutrašnjih poslova.

AD-4

Članovi Nezavisnog odbora su odlučili da prema Skupštini Kantona Sarajevo upute dopis u vezi Izvještaja o radu policijskog komesara MUP-a KS za period oktobar-decembar 2022.godine.

Također, odlučeno je da se zamjeniku policijskog komesara MUP-a KS Fatmiru Hajdareviću dostavi Zaključak sa 16. sjednice Nezavisnog odbora.

Nezavisni odbor je primio k znanju Izjašnjenje zamjenika policijskog komesara Fatmira Hajdarevića u vezi navoda u anonimnoj predstavi.

Predsjedavajući Adis Šečić je zaključio rad 18. sjednice Nezavisnog odbora u 19,36 sati.

IV- AKTIVNOSTI NEZAVISNOG ODBORA SKUPŠTINE KANTONA SARAJEVO KOJE SU OBILJEŽILE IZVJEŠTAJNI PERIOD

a) Prijedlog godišnje ocjene rada za policijskog komesara Nusreta Selimovića

Nezavisni odbor Skupštine Kantona Sarajevo je tokom januara 2023. godine radio na prikupljanju svih relevantnih činjenica vezanih za sačinjavanje prijedloga godišnje ocjene rada za policijskog komesara Nusreta Selimovića. Pored uvida u Informacije o aktivnostima Uprave policije za 2022. godinu, Izvještaje o radu Policijskog komesara po kvartalima 2022. godine, usmena izlaganja Policijskog komesara na redovnim sjednicama, Nezavisni odbor je zatražio i odgovore u pismenoj formi na određena pitanja iz djelokruga rada i ovlaštenja Policijskog komesara koja bi dala cjelovitu sliku o radu Policijskog komesara za 2022. godinu (Akt Nezavisnog odbora broj 01-04-476/23 od 04.01.2022. godine). Policijski komesar Nusret Selimović je svojim aktom 02-09/23 od 19.01.2023. godine odgovorio na pitanja Nezavisnog odbora sa određenim nedorečenostima, kao i izbjegavanjem direktnih odgovora, zbog čega su članovi NO zatražili da odgovore dobiju neposredno od policijskog komesara na narednoj prvoj sjednici NO krajem januara 2023. godine. Policijski komesar Nusret Selimović je blagovremeno pozvan na redovne sjednice Nezavisnog odbora krajem januara (31.01.2023. godine) i polovinom februara (16.02.2023. godine) kojima nije pristupio, čime je Nezavisnom odboru onemogućio da na objektivan način dođe do odgovora na određena sporna pitanja iz djelokruga rada PK za 2022. godinu.

Na 13. sjednici od 23.02.2023. godine i njenom nastavku 27.02.2023. godine, Nezavisni odbor je sačinio pismeni prijedlog godišnje ocjene rada za Policijskog komesara Nusreta Selimovića sa širim obrazloženjem. Prijedlog godišnje ocjene o radu "nezadovoljava" za 2022. godinu dostavljen je ministru, Vladi Kantona Sarajevo na dalje postupanje, i policijskom komesaru za informaciju, shodno odredbama čl. 46 Zakona o unutrašnjim poslovima Kantona Sarajevo.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

35/36

b) Ostavka policijskog komesara Nusreta Selimovića

Nezavisni odbor Skupštine Kantona Sarajevo zaprimio je dana 31.01.2023. godine dopis ministra unutrašnjih poslova Kantona Sarajevo broj: 01-8/23 od 31.01.2023. godine, kojim se Nezavisni odbor obavještava da je Policijski komesar Nusret Selimović aktom broj: 02-14/23 od 31.01.2023. godine, podnio ostavku na mjesto Policijskog komesara Uprave policije MUP KS vršiteljici dužnosti premijera Vlade Kantona Sarajevo, Softić Kadenić Dariji, te ministra unutrašnjih poslova Kantona Sarajevo Katica Admira, a koji je fco. akta Policijskog komesara Nezavisnom odboru dostavljen u prilogu akta ministra.

Po prijemu akta ministra unutrašnjih poslova o ostavci PK Nusreta Selimovića, Nezavisni odbor je postupajući po čl. 49. st 1, a u vezi sa čl. 48. st. 1, tačka a) Zakona o unutrašnjim poslovima Kantona Sarajevo, Vladi Kantona Sarajevo posredstvom ministra podnio prijedlog za smjenu Policijskog komesara (Akt NO broj 01-04-476-11/23 od 01.02.2023. godine). Vlada Kantona Sarajevo je na 118. sjednici održanoj 09.03.2023. godine donijela Odluku o smjeni Policijskog komesara Selimović Nusreta (Akt Vlade KS broj 02-04-6054-23.1/23 od 09.03.2023. godine).

Vlada Kantona Sarajevo je na 118. sjednici održanoj 09.03.2023. godine donijela Rješenje o imenovanju zamjenika Policijskog komesara u MUPu Kantona Sarajevo glavnog inspektora Fatmira Hajdarevića.



c) Izbor i imenovanje policijskog komesara

Nezavisni odbor Skupštine Kantona Sarajevo u skladu sa svojim nadležnostima tokom mjeseca aprila 2023. godine pokrenuo je pripremne aktivnosti za sve potrebne radnje oko javnog konkursa za izbor i imenovanje policijskog komesara MUPa Kantona Sarajevo, da bi na 15. redovnoj sjednici od 27.04.2023. godine donio Odluku o pokretanju postupka odabira i raspisivanje konkursa. Nakon donesene odluke NO je izvršio sve predviđene zakonske radnje u procesu odabira (objava konkursa, pregled prijava/dokumentacije, selekcija i odabir, razgovor sa kandidatima) i u skladu sa odredbama čl. 40 Zakona o unutrašnjim poslovima uputio obrazložen prijedlog sa dokumentacijom sa dva kandidata posredstvom ministra Vladi Kantona Sarajevo.

Vlada Kantona Sarajevo je na 14. sjednici održanoj 22.06.2023. godine donijela Odluku o imenovanju Policijskog komesara Fatmira Hajdarevića u MUPu Kantona Sarajevo (Akt Vlade KS broj 02-04-29347-15/23 od 22.06.2023. godine).

Nezavisni odbor predlaže Skupštini Kantona Sarajevo da usvoji Izvještaj o radu Nezavisnog odbora za period juli-decembar 2022. godine.

Broj: 01-04-476-45 /23
Sarajevo, 31.10.2023. godine


**PREDSJEDAVAJUĆI
NEZAVISNOG ODBORA**
Adis Šečić




Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

36/36